



吳會英才集卷九

教經堂詩

武進徐書受尚之

徐州倅爲茶坪詩老曾孫學有本原少酖著述與同  
里趙億生楊西禾齊名爭奇競美性情純摯內行可  
欽其詩悱惻纏綿意由心發曩曉嵐補山二公薦爲  
秘校已草封章終以捧檄不遑擇祿古來丞尉每有  
賢才香山柳州此爲流亞

月夜泊燕子磯

飛燕峙中流秋空立癯瘦前崖轉陰深側出露孤岫何事  
秉燭遊朗月奪晴晝暮氣入蒼莽中有風霾走疏烟合林  
木仙乳迸石竇天空絕纖雲歷歷見星宿波激千金蛇蹴

起蛟龍門

吳會英才集卷九

久雨乍晴借王溟槎飲廣公精舍出遊二首

自與山僧熟侯門懶曳裾醒狂何乃醉我短幸休居野濶  
橫天塹隄修衛尾閭好隨潮下上風色驗江魚  
羈旅誰青眼秋心入翠微斷碑留字讀古廟賽神歸雲淨  
峯逾秀霜深草不肥夕陽入影散初有亂鴉飛

清明寄從兄弟湖南

兩年再折桓山翼八月來觀揚子濤伏雨闌風從此去白  
門紅樹復相遭

去秋與重光別于江干

未分北巷兼南巷不是詩豪

定酒豪結柳送窮聊自喜陳瓜乞巧竟徒勞萬回縮地輕  
千里潘岳悲秋有二毛詎少長途逢雨雪底須絕塞擁旌

旂箋經已足三冬用讀史從嚴一字褒知已但貽青玉案

詩人空唱鬱輪袍雄心自昔猶潛璞小邑於今善奏刀

父量移衡嶽峯尊傳岫嶠汨羅江近弔離騷亂山深處藏

官廨春水生時響桔橈羣從謝家真袞袞才名洛下日滔

滔何堪令節睽花萼豈有閒情記棗糕爲報離憂好兄弟

客園楊柳正如條

檢得乙酉伯舅氏寄家母書跋尾

閒關萬里廿年更宅相恩深媿外生舅未識甥真久客兄

猶憐妹是恒情先生豈得終無子老至如何又遠征弱女

父書還可讀比肩詩友最齊名

貞女詩爲吾友孫君汝明妹字蔣文學定安賦

吳曼才集卷九

二

白燕忽孤飛無復雙栖夜故巢還自尋何因傍臺榭一念

心許之此義終不舍女生掌擎珠矜才左芬亞事人移所

天食苦如嗜蔗憔悴顏匪紅龜勉罕逸暇遠與泉臺期空

閨淚如瀉嗟嗟爾何人虐比日之夏驅使意稍違鞭撻肆

鳴嚇載詠多露詩更復設欺詐謀泄女潛悲畢命絲繩下

天教返貞魂彼昏豈慙謝持報千金軀那用百兩迺願托

磐石堅蒲葦條已化與知夫婦愚皓首總如乍牢穴同庸

庸泯沒孰嗟咤誰繼冰雪操嬰兒矢不嫁

太平鼓歌

六街夜靜千燈吐灑徧輕塵不須雨踏歌聲歇月乍闌遙

和蹙蹙太平鼓揚枝插門祀紫姑鬢邊花氣春風蘇搗來

宛並輕紈薄製就真疑雪色鋪羯鼓細腰渾不似一特頰  
貴高麗紙洋人小箏亦倣之丹青值得千金使那堪客况  
日蕭蕭聽到忘眠手正調不比地衣蜂蝶影當筵沉醉可  
憐宵善鼓何人出金石落花續紛滿几席爾時夢斷小遊  
仙鐵笛一吹山月白

有揚生者居惠山下王洪棧丈友也  
善撾鼓吹鐵笛嘗導余訪之今忘其名

年年擊鼓賀太平賽社燒錢還有情眼中節物粗能記  
側耳宮商一片聲

六月十一日述菴翁河兩先生錢獻之王秋塍張鄂樓及

予小集陶然亭五律三首

幾折坡陀轉招涼到水潯野蘆行處合山翠坐來深暝色  
涵天地羈懷自古今殷勤尊酒奉時有夏蟲吟

吳篁英才集卷九

三

繞屋皆流水曾開十丈蓮池塘積青草村舍動炊烟門有  
閒車轍臺當孤樹顛輕雷數聲寂宿鳥下平田

遠堞微茫影虛窗縹緲風雲低千頃碧月暗一燈紅瘦骨  
清如鶴長年笑轉蓬艱難憐異地偶與故人同

湖上桃花盛開泛舟遇雨同王夢樓太守錢魯思王秋塍  
二上舍分韻得桃字

柔烟已徧一溪草明霞正爛千林桃平波生鱗漾魚藻春  
衫送影揚輕舸日華初上對清曉積翠坐覺山峯高我生  
始飲湖上水有客更醉花前醪飛來蛺蝶乍如夢玉顏忽  
忽愁相遭當時歌吹比西子那復風雅歸吾曹居人稍辨  
上方磬昔賢頗許長隄豪輕風斜縈柳絲亂跳珠小雨飄

紅濤六橋行盡樹陰晚一笑未厭游魂勞

送楊五漢章之祥符兼寄呂應微弟

我交天下士無過伯坳坳近友倫也賢三士靡一欠

君兄西河

贈詩知交二錢最落落伯坳坳因君好兄弟令我心悽酸君

今同父有六七我欲得一豈不難君兄我兄事怡怡共顏

色念君天性剛且直奇氣飛揚更誰抑來從大梁客仍返

遊大梁大梁公子久不作千古夷門事慨慷我尙浮沉萬

人海問訊呂生無恙在一縷何傷范叔寒不遭知已應無

悔

送秋塍暫往保定卽返秀水

王郎王郎大磊落才名二十載不免尙飄泊平生性命爲

吳曾英才集卷九

四

友朋緩急至今誰可托衆中遇我更不疑一見高呼動魂

魄王郎聽我語足以慰爾飢擇交定交始乃克全交期苟

未保厥終不如不相知當時顏苦瘦今已面有髭鬚鬚

髮短短嵇非嬾兮阮非誕君曰悲乎豈在飽煖不封不樹

蓋不敢緩以此感激卑官不辭孝子之志誰當諒之嗟君

勿戚貧而病我亦年來知定命母殯松楸繫夢思嚴君萬

里遠溫清君由保州去南抵長水塘行將告我友我友錢

獻與楊禾高堂白髮各相守何事遨遊離故鄉

歎蕙蕩

桓山有小鳥羽翮初未張森風一朝發翻然忽翱翔慈母  
昔生我愛惜懷中藏伶仃終夜啼母心正徬徨漸喜脫襁

祇欲使成文章生我不得力不異委路旁卻憶我生汝母  
殯尚在堂聞汝夜啼亟念母煎肝腸獨得祖憐愛足與男  
子當時時予作客稍稍汝亦長歸先迎門候一笑舉衣裳  
我出詰何適問祖遊何方慰情暫相戲固亦天性良壯年  
盡潦倒薄祚與汝妨奄奄餘一息病母又在牀得食持向  
母母食方敢嘗翻令母悲汝忍看淚浪浪予生最多感戚  
戚無時忘二十母棄養逾歲服姊喪自茲每子立能不因  
汝傷弱魂知何依送汝葬北邙人窮思返本讀我歎蕙殤  
用韻和春如豐臺看芍藥歌兼邀西禾同作

次於曹人

衝泥卻爲看花去逢人輒問花開處此處花開較昔遲人  
人盡笑看花誤看花前度紅堪愛今歲開遲那能耐已覺

枝頭蜂蝶忙還因根底清泉漑我來花下正婆婆一見能  
令宿疾瘥並說花枝何處好最憐車馬此時多多少長安  
種花客多少朱門買花癖移向朱門日幾回花光依舊人  
非昔丁香兩樹花千結攀樹低枝亦堪折若遣花時並藥  
闌定教春好聽啼鳩春來春去太怱怱花謝花開幾度同  
萬事不如春事美惜花惟怨妬花風二十四番花信遍安  
得窮搜衆香國閱徧園林感盛衰成少女矜容色尋花  
都是愛花人願得常年作好春野老灌園誰是主貴家幾  
處足娛賓大抵看花人易老無端又被繁花惱似此韶光  
不可留何曾花事關遲早花前此日聽君歌酒熟花香奈  
樂何醉倒不知花影亂年年花發一來過

蘆溝道中

嗟峨石路一車輕似在危灘駭浪行霜柳未黃矜雨色風  
蟬將老變秋聲頻年寄跡才何用幾處懷人夢不成宛憶  
春塘冰乍泮絮衣沾酒話平生

去春借西河過此尚甚寒也

同人泛舟明湖登會波樓避雨歷下亭晚飲卞大繼舉寓  
栽蓮藝葦各輸租分占陂塘似木奴斷港莫嫌烟水盡葑  
田還擬涸西湖  
千峯抱郭水灣環豪氣登樓未可刪好付收藏兩家集董  
郎十歲解看山

時蕙疇子學敏從遊

山城七十二名泉小雨跳珠盡可憐轉憶六橋秋柳勝晚  
晴猶有未回船

吳曹英才集卷九

六

飛來三十六鴛鴦鏡裏分明隔影藏今日更從河朔飲不  
堪呼取碧筍嘗

一月前荷花尚繁苦爲蘆隔今并不可得矣

未至濟南十里作

山多洩餘怒怪石非一族近山十里閒長石不長木一氣  
之所蟠千石萬石轟驅車復舊觀高下蛇赴陸疑入八陣  
圖日暮愁起伏誰言到城闈萬嶺忽壓目不知今夜月翠  
微何處宿

蘆溝橋望西山

昔遊並文昌

張彤

寒夜駐征策燒山遙見火落落散星射漸

接如長蛇四起奔絡繹方連勢忽斷歛過了無迹此境藏  
胸中每憶若創獲今來秋氣暮侵曉一片白遠峯如

近峯疑刻劃屢變境輒佳吾其著山釋

感興

沙沉石銳條低昂歸路寧如去路長天遠樓臺時出沒秋

暄林木半青黃感知人少空懷刺惜別情深況陟岡遙憶

大雷書到後曉風寒月正茫茫

時舍妹從婿入蜀有詩別予云念深他日淚只望尺

書

論癖一首贈春如弟入都門

感子曩謙抑謬推欲相師我趨子則步我控子則馳學實

無可益行實無可資多媿來問意謝之以勿欺子癖量自

審餘者不復疑愛子以斯匿憎子以此訾獨我知其然固

久乃得之子少癖書籍污損神不怕無錢典衣買忍飢奚

吳會吳才集卷九

七

悔爲又癖樂偃臥枕席丹鉛披飲癖薑辛温日進湯一卮

食癖硬餅截爛飯忽若遺癖大在骨傲癖小在好奇耻事

暮夜乞恐受庸名嗤凡此癖何害雖百鮮所虧惟愛博不

專浮覽志乃疲惟尙氣不下貌合情以離子如除二癖卽

使性質移我癖懶癖拙癖夢且癖醫耽遊癖求侶酒酒癖

少差兼人癖於勇見事癖每遲吾癖子癖敵一一恐不宜

去癖以癖進曷以爲子規東坡語法喜試示論癖詩亦負

苦吟癖自幸斯人知

春如補毛氏亦工詩故云

喜雨戲爲十幹十二支詩呈鄧魯堂刺史

銀甲彈箏和錦瑟黃雞作臠魚抽乙燕客東堂丙夜酣租

丁南畝誰能恤日維吉戊春社繁不如繩已均勞逸花飛

尚聽倉庚鳴望歲辛勤土膏茁麥秋行佩六王符呼癸不  
憂多早疾

晴檐喜子遊絲胥白丑花殘春已殿長官寅畏步禱虔卯  
燈卽起循芳甸茲辰旣雨乃發生上巳重三猶可羨簿書  
旁午得暫閒米價論千猶未變生徒侍側窺欠申空探小  
酉談詩傳支離戍削非我憂亥市安知權貴賤

送董大超然南歸卽寄錢大魯思楊三西禾次用少陵夔

府詠懷一百韻

跡久違吳下人類會日邊蹉跎淹壯志哀樂萃中年已刻  
無成鴿聊同不繫船撫膺惟莞爾舉首孰衰然物態應看  
慣人情本重遷厭題鸚鵡賦半廢蓼莪篇告瘁寧求息矧

吳會英才集卷九

八

方尚惡圓怡逢飛絮候又負養花天曩日遨遊數茲邦習  
氣偏西疇初餉饁東路正防川董相帷猶在陳蕃榻自縣  
莫攜磨鏡具誰資辦裘錢異地空相顧貧交轉共憐三千  
齊上客七十郡名泉考古情逾澹懷歸眼欲穿童烏能學  
語少弟並扶肩爾去誠良策吾留僅冗員羈棲寒素約合  
并隔塵緣爲湖湖濱勝曾招畫舫便小桃輕喚雨弱柳暗  
藏烟枚馬論遲疾王盧較後前長身拚似鶴結友盡疑仙  
景物都陳迹詩章莫浪傳好山供俯仰流水送潺湲

以上  
述戊

戊春與錢董二  
君歸白湖上

一自離羣出重教憂患煎事同蟲食苦形

比蟻投羶陋巷回車騎華堂避舞筵種纔分菽麥微敢托  
鵬鷗未足無心失終期怙過悛徒薪愁曲突漸米向霜饑

呼吸生真寄屯亨命有權虞翻傷傲兀杜篤免拘攣况願  
應將遂沉痾頓令蠲俗儒爭誚讓豪族盛游畋不惜珠爲  
彈從知瓦可全賓僚輕許椽雅意進彭宣謬得羣公歎何  
求一士賢紛紜存夏五變幻悟秋千鳩乃營巢拙鶯還出  
谷先長楊初薦達短翮歎聯翩縱異生枯管能知緩急絃  
快方標雁塔悔早失魚筌涉世誠疏矣忘機盍泯焉龍門  
仍踏蹬驥尾暫回旋賦或嗤奇字文甘味太元幾人成誓  
墓何事亟歸田問夜樂同剪嬉春轡每連病餘慵買卜食  
少費烹鮮歲月無停軌音書附去舲涕痕猶滿袖危語動  
盈牋以上辛丑楊君登第後與予別於京師時事稍稍驚魂集時時遠夢牽平  
生懷放曠吾輩各迤邐易得浮蹤合毋憂宿諾捐贈綈悲

寂寞伐輻刺淪漣幕府趨關輔

謂獻之稚存淵如向之

蕭齋傍澗漚

謂緘若星頤漢章應尾

題襟聞洛社感舊緬秦阡詎效孫登嘯行加

祖述鞭名流希結納靜女獨嬋娟不謂辭鄉樹還來聽暮

蟬相逢初換葛小頓又衰縣偶乞僧廚飯常虛客舍擅花

時偕側帽陌上競遺鈿底用區門戶徒嗟仰屋椽忍看紅

藥謝被喚海棠顛腹豪乘酣脫頭風及旦痊句教千白傅

才儻妒青蓮潔侶商投足登車信曲拳孔庭陪對鯉楊席

見銜鱸冒雨尋荒榭衝泥沒錦鞵所欣蘇久旱非比潤微

涓以上董君同寓都下及後至清源

此會皆天假追談到海墘不扶筇竹

杖定製布行纏嶺勢劉霄立灘聲挾石眠向來神頗王孤

往興尤堅佳果經時熟繁香極望妍菩提增蔭鬱蝴蝶美

翩翾土俗如前否登臨念慎旃聚糧俄北首著集尚炎躔  
以上指所 旅寓依朱季生徒侍鄭虔細流源必滙大冶入  
揆嶺海集

宜甄臺尙風期杳潘張麗體駢鞠通揮綠綺服望守青編  
漫亢諸侯禮休輕百雉專新晴勤稼穡缺月挂弓弦憶昨

如行脚於今學坐禪第能安食指何苦落言詮二妙嘗旋  
越秋勝萼樓 雙珠復滯燕雅存映川 最難寬瑁操奚必慕  
獻賦被放

騰騫故里諧談讌高軒厥曼延試燈低吐燄逢麴飽流涎  
贈別須丹棘銷魂豈杜鵑帆開揚婀娜道阻聽洄沿過圯

思黃石還山訪偃佺關心占勿藥魯思病 拭目待高褰未  
西河召 那作垂天翼真慚跼水鳶左原遭見斥伯玉解繩

愆求劍舟勞刻凌雲字枉鑄飄萍殊泛泛芳草乍芊芊嗜  
酒愁憑掃耽吟體過虜諒予非擇祿未敢受曹銓

送朗夫先生擢撫湖南二首  
單車徵入 覲關吏不知迎

玉色矜勞苦

天廚賜大羹搢紳皆疎歎儒者有餘榮識面猶難得毋持  
一刺行先生至熱河請 訓召對數四賈  
予最渥過都時不見一客而還

木落洞庭秋中丞一葉舟清名動天下坐鎮楚諸侯絕業  
知誰繼先生著 蒼生願已酬人人慕韓范媿我分偏投

歸途雜興

三歲客齊魯固窮頗能耐齋廚飯不足頓頓飽霜菜衝寒  
事行役辛苦知物態憫彼衰白翁遠道猶負戴吾德豈果



發宣城

買得籃輿勝彭澤小纔如繭一蠶藏便攜謝朓驚人句不  
是看山爲庾怱

山溪口放歌

春江遠載萬斛舟坐臨流水先忘憂平生分少山栖福不  
厭山經百回讀偶然一壑復一山誇人已覺開心顏偉哉  
信有巨靈擘其外盡可凡邱刪羊腸盤盤爭奪隘無事久  
留奴僕怪斷岸卽愁雷雨作後崖條共烟雲化我行團團  
如磨驢飛泉灑面噴玉壺泉聲瀟瀟石齒齒曷若此閒爲  
道士朝栽青松暮汲水不然有言寧踐耳彈指流光去如

駛

吳會英才集卷九

七

宿績溪山店寄訊縣尉弟佑之

泉聲竒以驟嶺勢險在曲令我心孔開映我鬢髮綠烟林  
乍回合澗壑時斷續仰愁危石壓下有白鳥浴徑折蛇逶  
迤餘隙漏殘旭頗聞新縣尉既至問土俗山田碎分繡高  
下真五沃作吏毋患貧看山一生足

新嶺

振衣忽香漢巉絕已平視一線上天奧萬笏出地底斜日  
在半崖高鳥飛不起豁然倚層空盤旋徑遞逸雲生乍籠  
袖澗響復盈耳何處烟林鐘天風吹十里躡景有羽翰蒼  
蒼暮凝紫

雨霽遊齊雲巖次和崖間東萊蔡才石刻詩韻

路入天門重復重振衣猶礙亂雲封星辰近摘危崖石澗  
壑虛沉下界鐘百番春禽衽耳俗一天晴翠上眉濃樵夫  
相對堪談道溪女常年解種松偷半日閒諧夙尙歷千山  
盡踏竒峯竟成豪舉亭招鶴幾恐愁霖洞起龍草軟未妨  
頰著屐腰輕且可卻扶筇分明攜袖圖經在樹隱烟迷斷  
去蹤

留別休寧弟冠之並呈一兄丹之八兄昀田三弟可之

繭是同功雁有羣只宜長聚不宜分屏因坐久奴曾觸被

爲眠遲婢懶熏去躡青鞵探白嶽歸攜綠酒傍紅雲子初至時

齋前杏花方茂天倫也助官聲美好事私傳喚五君

宵分飢鼠瞰燈檠半雜吟聲半雨聲若準尙年俱小友兄弟

吳會英才集卷九

三

齒丹之最長儼如入學少先生相知四海蘇同叔分住三間陸

士衡都集一家才子筆拈毫猶得賦閒情昀田夜讀添香圖從弟仰舒先

有題

頻年風雪涉江河臣叔還逢賭紫羅時素菴叔父亦在衙齋久別共

驚須鬢改異鄉偏占弟兄多終知阮籍才何益且喜陽城

政不苛從此浙西湖上下布帆安穩或重過

厨孃曲

食經不傳崔母法一味平將五侯壓媼愁婢怨不得消可

憐織手親煎調玲瓏碧藕玉河鯽食客滿堂聲噴噴翠帷

暮捲花如雲玉瓶酒盡椒蘭熏拚取當筵雲母凍解渴還

分杏漿送嗚呼東家西家醉絲竹北舍南隣尙枵腹中人

十戶直一餐詩人空嘆黃雞粥

苗刀歌曲韻會聲

苗兒趨捷同飛猿有力善鬪孰得撓芙蓉三尺是常佩一

兒聚鐵鑄一刀靈蛇到手不敢握老生腐儒都潰逃古來

神物蓋有數太乙下守狐狸嗥此刀淬發楞無比割玉恐

自昆吾熬星芒作作奪燈彩迸入一縷翻銀濤傳觀空激

壯夫怒惜違其用非時操蠻荒珠貝賤如土但寶頑鐵推

雄豪卽今遺種盡惜服生熟不復兵相慶埋之百年土花

蝕倘遇好事搜蓬蒿銷鋒亦可作農器或冷貫生墾不毛

不然配取斗大印百金裒得懸腰條

出廣渠門送錢大魯思之靜海歸遊萬柳堂聯句四首

吳曾英才集卷九

十四

春風花柳遍長安書受送別還歌易水寒薄酒欺人愁易

醒胡梅青山如夢見猶難蕭蕭去馬輕塵遠書受點點飛

雅落照殘幾處園林自興廢梅天涯作客感無端書受

白眼風塵氣尙豪書受旗亭歌馬貰春醪依人笑我輕彈

鋏梅知己逢君解佩刀枯樹幾年垂薜荔書受平泉十里

長蓬蒿卽今故事成寥落梅俯仰情深首重搔書受

險阻艱難嘆脩嘗梅峻嶒瘦骨許清狂江郎南浦連芳草

書受謝傅東山嘯白楊不覺踈鐘沉澗壑梅行看斜日下

河梁鄉書懷袖經三月書受咫尺南雲路渺茫梅

坡隨幾曲路曾經梅野草猶憐屐齒青一代聲華兼勝地

書受百年文藻剩孤亭悲來慷慨登車去梅話入蒼涼促

鄰聽客久不知鄉國遠書受素交零落似晨星梅

春夜集屠笏岩明府寓齋話別聯句四十韻望其韻

踪跡天涯合書受盤桓夜漏沉壯懷乘萬里陽湖錢致良

會抵千金幾點星明戶秀水王復秋三更月逗林壺觴同繼純杰士纒

長洲胡梅眉峯視席見寄嶽市近猶聞筑江陰屠紳笏岩車閒好載琴百

蠻憑勝概書受六詔恣幽尋鳥道懸如綫致純烏蒙轟似

簪諸猗分棘復列障界滇黔師宗當雲貴接壤處馬首煙迎瘴梅

牛蹄水積溶浮湘回望斗紳躡棧記捫參圖史攜家具書

梗楠獻國琛喜同毛捧檄致純惓異屈行吟入境繁花燦復

垂簾細蘇侵雄才探大酉梅下邑畏僉王斯道甘三別紳

維躬凜四箴化應聞蝻蠖書受廉不貴璵琳彌勒雙峯繞致純

吳會英才集卷九

十五

盤江一派湛專城資墨綬復利器別霜鐔治本由經術梅

吾方愛德音驚名仍足爾紳食字尚書蟬佩自紉蘭蕙書

人誰漑釜鬻散儒嗟在昔致純薄宦感於今結納疇王貢復

遨遊或向禽輕裘餘笠織梅古誼重苔岑匪石能攻玉紳

將磁可引鍼毋卑升斗祿書受且惜寸分陰傾蓋知何晚致純

移檠坐轉深艱難聊把臂復出處共題襟杜若搴芳沚梅

楊枝蘸碧溥驪歌俱掩抑紳鳧舄漫登臨計里瞻亭堠書

催時聽鳩鷺袖籠雲鬢書受鞭拂樹櫺椽獠許奴耕耨復

獐看女織紉土饒民反朴梅風癘氣多暗改歲飛迺札紳

他邦占素心俗徒矜諤諤書受年與驟駸駸聞望期騰達致純

馳驅敢滯淫東方愁欲曙復南浦思難禁歧路成孤往梅

羈懷耐淺斟黯然從此別紳夙志衍爲霖書

受人

奉題述菴先生三泖漁莊圖

人世動名炳寰宇里舍田廬亦千古十年煙瘴蚤歸朝萬  
里湖山證盟主鐘鼎山林各有時俸錢多寄草堂貲從軍  
初奏平淮頌退食還編思穎詩一鳳飛鳴九峯吞海島微  
茫海濤白野草叢生白苧城湖波近繞平原宅此處蓴鱸  
天下肥承格輟黃好春餘銀白輦馳苦味涼來雨詩  
恩未許乞身歸春煖賜貂新待漏秋高射虎鎮隨園閒情  
夢憶餐霞侶三泖雲深最佳處米老爭傳載畫船謝家舊  
賭彈棊墅臣本煙波一釣徒蓑衣箬笠住洮湖何時泛宅  
浮家去來訪漁莊六幅圖合西禾森

吳會英才集卷九

十六

食蟹借丁進士文之楊上舍西禾春如張上舍鄂樓分賦  
得五言異字

吾生少沈洄既止不常醉入饌偶復佳興發聊放恣箸嗟  
輟錢萬飽嘆鮮簋四白轉車輪腸兼味那可致風物懷江  
鄉星羅上都肆黃披雀綿脆白擘蛤芒利郭索爾何來舍  
魚我匪嗜怪何楊生和肥肩有羅浮翠回甘憶荔支誇人  
未曾至常羞宜所薄其口若不啻微笑十指勞遑恤雙袖  
漬厥弟短而黠春如實亦老饕次腹恐枵然空曆忍破碎置  
螯巨嚼並豪戶小政差異明晨約看花二者畢秋事

除夕

飄零骨月滿天涯獨把殘樽餞歲華雛解問人知憶父妹

憐依媿慣移家子婦妹寄食於舅氏腰非五斗應難屈膽爲三升尚  
可賒裘敝雪寒歸夢杳暗燈吹影上唐花

大隄謠四章爲方伯補山公作

大隄石不可攀車遥遥往復還卒除道吏啟關道塗誰知  
辨愚賢勿謂無愚賢昔何其擾今何閒石質冷石理溫道  
旁過者孰敢捫風雨不動安如山車歷碌分草斑斑安得  
人人分如石完憂厭自熾泉和劫劫非緣智愚不知問

大隄柳時摩挲年年秋葉好長條伐盡奈柳何我行大隄  
上翠影何婆婆誰人楊柳下處處能爲楊柳歌莫種花枝  
須種柳花陰不比柳陰多昔劉道義贈劉粟村非只田舍  
大隄屋墻有垣野老請前一言啻我今年有雞豚門前棗

梨熟屋後桑麻村自傷貧賤苦歲暮懸知免饑寒客從遠  
方來莫怪無盤飧嗟我使君啜豆羹飯脫粟恤我民田舍  
何有老瓦盆勸君勿羨田間樂從此何憂吏打門

大隄井鳴濺濺朝行出汲井水竭暮行出汲流泉涓里中  
有胥役飲水何憂煩自嫌泉味淡使我終宵愁不眠問胡  
愁不眠水清那得渾水渾尙自可水清暢我魂父老聞太  
息是其所語誠哉然君不見井出泉世與金百無

大隄石不可攀車遥遥往復還卒除道吏啟關道塗誰知

辨愚賢勿謂無愚賢昔何其擾今何閒石質冷石理溫道

旁過者孰敢捫風雨不動安如山車歷碌分草斑斑安得

人人分如石完憂厭自熾泉和劫劫非緣智愚不知問

吳會英才集卷十  
武進徐書受尚之

烏鴉行  
鵲胡鳥鳴啞啞鴉幕啼啞啞朝鳴羣喜兮暮啼羣譁人  
情好憎異何所不可加鵲音清鴉音濁鵲毛長鴉毛禿鴉  
飛何遲鵲何速吁嘻乎鴉兮鵲兮俱可嗟鵲而不鵲兮不  
若鴉  
樹上烏尾畢逋雀哺鷺烏哺雛烏雀日出還相呼一朝老  
烏待雛哺待雛不來怨羈孤勸烏且勿怨雀飛散落城南  
隅城南隅場有粟田有桑雀啄飽烏忍飢忍飢歸繞樹哀  
烏空腹雀笑之吁嘻乎母謂雀智兮烏則愚愚寡智衆兮

吳會英才集卷十

奈老烏

過楊忠愍墓下作

距白溝河  
十五里

忠肝如石骨如鐵石不可涅鐵不屈斷筋二條腐足骨獄  
吏爲之口吮血貽子千言書自敘其絕筆我讀元美鈐山  
長謠獨嗚咽更與此書千載長不沒前忠愍後忠烈兩大  
疏炳日月至今忠魂血化碧墓下人來拜石碣

借董蕙疇登海右古亭追話曩昔走筆以贈

董生風骨今尙是已覺崔隕非昔年昔逢有司再三嘆一  
日健者誰能先我雖短小出最早意氣實猛無當前相從  
足下獵名譽往往論交恒比肩雲霄便擬致身易我輩豈  
是長青墮屣屣一飽竟何得局促多爲人所憐如君頭腦

髮種種當時玉貌如神仙文章紙貴不可煮而况後生何  
述焉同心二子萬夫特飢驅南北遙相捐錢生伯荆遇人

每不淑益信分定心彌堅楊子倫齋中匱升斗僕僕無己

寧非天夫充大攝總傷沍滅享逸樂其神全從來貴賤盡

物役此詎可以區愚賢卽今誰似蹇處士杜陵先生無一

錢依然太守舊遊處但見黃蘆遮水蓮懷賢望古坐惆悵

販負呼嗷旁醉眠揮之瑣瑣不快意忽歎逝者如斯川誓

將莫忘少年事終與數子歸耘田勉哉董生必有合不妨

暫爲時各牽

楊君六以予前詩似未厭志貽詩挑之有六橋花柳重栽  
春此只恐行人不肯還之句因次韻以申其意

春晴促上沙棠舟越姬如花招酒樓游仙夢斷惜遺跡出  
樹鐘聲曉烟白絕笑湖山縮綠淺一洗平生好奇眼吾儕  
通病患少遊不若麋獮本山產聞君此言足心死安得移  
山更移水錢塘湖發動地來南北峯高去天咫到此游蹤  
更莫閒時時結侶去看山不然已負江淹恨才盡如今合

見還

訪湯賓鷺丈借靈壽武功三志用昌黎短燈檝歌韻報之

著書不若功業長矜名不勝潛德光塵衫破帽偶相訪出

門一笑天風涼昨夕開尊竟虛左今見攤書唯滿牀生晚

未爲清獻客得讀萬言時務策靈壽志自載時務條陳六款武功地望

亦可歎一語平生竟誰自聲名何苦較後前吾徒未敢容

高眠天寒有女貧自恣西舍東隣映珠翠君看誤述富汗  
牛覆瓿諒爲人所棄

雨中過趙北口偶懷湯賓錢魯思

石闌緜亘跨長虹撫序懷人感嘆同寒翼入雲千片白霜  
林經雨一番紅漫矜燕石心猶壯竊得驪珠計便工閩嶠

卽今遊跡遍頓教南北逐飄蓬

二君同客福州頃赴  
南北雍試俱報罷

阿男詩

對志願五父尺書是日口同夷長知次萬里

阿男始三齡提抱未離膝野外牽車禱風露那可睚非惟  
無所苦嬉笑如故物當亦父氣然抑乃天授質却憶細姐  
生甫睜挈之出揣予勞苦意敏慧更無匹豈知慈愛過倏  
痛掌珠奪數片薄板棺渴葬荒草沒其時顛沛甚百慮去

吳會英才集卷十

三

飄忽我本東西人遂至失封碣昔賢雖下殤首邱重歸骨  
韓公祭女孥中道語悽咽委之棄溝渠薄俗焉可述汝存  
歲倍男諒必嗤妹拙寄食依外家乍別致嚴詰假館齊魯  
間庶往共存活肩隨小叔後探懷讓橙橘贍郎初誕時追  
念久悚慄急難在父兄豈易有此日同庚男較先萬里瞻  
遠陟長大守田園毋誇出門吉

畫虎歌爲吳松巒明府作

毛斑斑虎眠山尾蠢蠢虎嘯谷谷口逡巡出虎子力搏山  
獅逃野兕我知畫史意無過畫虎難雲龍鱗爪偶然見一  
虎在檻千人看豈惟千人看要使風勢作風助虎威愁老  
鵝愁老鵝吹腥風長林淺草牙鬚雄爾時睥睨目無虎一

筆直掃南山空異哉少見而多怪令君居當萬山隘竹籬  
爲牆作方罫刺虎還义虎皮驢人入室虎在籬開門虎跡  
常參差虎來不驚虎去賀雙睛如燈遠峯坐月黑人從虎  
前過松巒黔人居山中多虎每樂爲予談之如此吾常觀虎向虎圈聊得饜飽  
殊堪憐吁嗟虎乎毋更橫俛鬼皆啼獵夫幸渡河更作負  
子圖虎愛令君能服猛支風會寒破其寒齋謝故賦  
煖炕

負曝寧知得圍爐詎可誇消寒宜魯酒借煖試唐花且喜  
晴牕近差教細幔遮冬烘頭腦在蟻蝨幸無嗟畫簷芬  
紙帳

一枕游仙夢流蘇漫自懸疊時柔勝雪鈎處暖生烟影共

冰綃薄光欺霧縠鮮桃花明鏡裏紅到夜燈前  
風門

也隨犀押轉巧便替湘簾靜許攤書帙暄宜傍畫簷花藏  
深夜穩烟聚細香添預戒春光入休招燕子嫌  
冰牀

片帆疑並速局脚不須支風色寒如此波濤憶始知忘形  
失鷗鷺牽夢入玻璃已絕跳魚響長年傲網師  
廣濟橋訪謝茂秦故居不得

斯人高臥久榛墟誰復能來式故廬史論抑揚存節槩聲  
華標榜自乘除才非勁敵輸蘇李事已凶終悔耳餘爾日  
升沉何足恨不應重廣絕交書

徐文長謂以軒冕壓術士  
且魚羊則云王李詩實勝

予持平其  
論如此

琴溪橋小憩雙丸一榻長  
芬山有各縣寫畫書  
一峯迎怪特健羽不能上俯聽流淙滂雙魚薦春網

春衫明鏡裏掩映水花紅換骨知無分空逢赤鯁公

入涇縣山中書

紙樹花開黃勝菊棕欄葉卷嫩於蕉山家活計安雲碓亂  
石橫堆作怒潮

到此應呼小武夷中虛一腹似盤盂丹梯百折人如螻得  
得行穿九曲珠

題從兄昉田添香夜讀圖小照不韻詩對畫景題一闕

口脂小語自生香消釋東風怨海棠不解從郎索花燭教

吳香英才集卷十

五

伊長夜聽阿房

桃花洞口曾相識騎鶴揚州信不虛能使雪兒歌一闕燈  
前強似借奇書

一縷幽情與篆分伴他勤讀漏聲頻粗豪絲竹談經席解  
此清閒俗了人

只有貪心未肯除雙鬟列侍竟何如桃根桃葉休相妬一  
喚司香一枝書

遊蜂牽惹隔瓊枝酒渴香殘好夢遲知調自翻紅豆譜天  
君傳癖又情癡

許將潤筆惠雙成一醉尋花也有名親寫道書親教讀鬢

絲香霧過平生

經古城巖下觀魚鐵俗尚禁魚此曰放生池尤著蓋創始於趙恒夫給諫近百年矣過客餉之萬鱗畢出亦一奇也

羣魚跳波吹氣自求食向人輕一擲噉啣不越五畝寬瑣細猶餘二三尺可憐凡物貪口腹有似于夫動刀戟蜂頭齊出蠶食桑獸吻爭張鳥翻翻未離鼃鼃入應幾去落江湖我非惜鷄鵲鵝鵝戒不來毒蝮長蛟安所宅釣父咨嗟諒寡緣老饕快意徒何益我生遠涉亦爲味從笑俗禁焉可草有錢且買池沼開更聚竟防濤浪窄山人百怪對客誇便與然犀作箋釋

發新安江

朝發新安江百里山不絕春晴張畫屏紅翠紛可悅時臨

吳會英才集卷十

六

絕壁下千尺立削鐵雷奔電激釜底裂一帆飄然轉崖缺盤西南而走東折巨石當衝枕鯨鼈大聲噲吹猛翻雪小聲丁丁鳴玉珙來如鬪牛去如掣堪笑坳堂浮芥舟橫被青山兩頭截涼月流涓涓孤燈遠明滅釣工漁父之所宅永夜驚濤伴幽咽陟險平生卻慣經山水重水複何從說夜登巖陵釣臺

生嘗太官膳詔賜水衡錢無損先生節偏齊尙父傳摸碑臨斷岸撫石沒蒼烟急溜誰能泊呼燈照幔前  
次錢塘江用東坡自徑山回得呂察推詩招宿湖上韻先  
寄崔曼亭通守錢魯思蔣松如二上舍

恨無丹青手摹寫烟林色蓬蓬半嶺雲激激一江碧風流

崔使君諒未厭遊屐西窮九折坂徒御盡瞻慄偶遭俗物  
訕亦令慙面赤位置好湖山復此寄家宅官如蘇子瞻病  
是維摩詰採花湖上寺歸壓帽簷側此樂無人知祇羨公

頭黑

越女顏如花粉黛忽無色悠悠半春夢踏遍千重碧豈無

螭頭舫雅會集君屐吟詩必义手語怪或戰慄旁人惜潦

倒中酒兩頰赤

謂松如

錢生具區上烟雨思泛宅常年席不

暖一笑還自詰翩然雙白鶴招向青崖側待學率更書

任墨池黑

曾思書見推於時詩名乃爲書所掩

命張顛對夫野嵐沈疎

過杭州訪崔通守不遇惟晤蔣大松如時魯思已去而董

超然適在遂偕二子夜泛舟西湖留宿淨慈寺樓風雨

吳曾英才集卷十

七

達曉分韻得黑字再用坡公自徑山回韻三首

片帆吹客到喜動故人色依依念楊柳重撫烟條碧昨垂

嚴瀨釣天風吹步履展耽奇輕性命那顧僕夫慄巖花紅勝

錦遠引殘霞赤苦乏戴符錢青山堪買宅素心違不少敢

謝良朋詰言尋金鯽魚再訪南屏側舊識山中入定訝新

鬢黑

湖波隨手掬滌我塵埃色烟光暮凝紫映我春衫碧不知

盡此生會做幾兩屐中年紛感喟人世半憂慄卽茲悟浮

生魚勞先尾赤一麾佩兩印空餘環堵宅鄭愚懷異錦道

遠誰致詰廉吏尙可爲列子龔黃側

時曼亭權攝金華守

起視水茫

茫恰宜乘月黑

是夜月色甚暗因憶東坡非魚非側語

故作一宵雨遣美曉晴色卽愁花事過暗滋苔痕碧禪老  
入南山許借雙蠟展坐覺酒力消春寒稍嚴慄疎鐘沉欲  
斷時有飛蛇赤客爲孫登嘯恍在雲中宅示我無所還更  
向雲公詰謂佛長老他時申別緒共醉芳菲側相期汗湯遊浪  
用區白黑薛勳爾向來辛苦蘇軾更有喜喜何喜蘇軾

越日至瑪瑙寺看牡丹小雨同人復探韻得妍字曉贈州  
春愁吹散一湖烟不分花光落杖前已遣舊遊成往劫故  
應微雨助幽妍相逢又證無生語惜別翻多半日緣祇恐  
黃昏愈蕭瑟青山如夢送歸船

題超然桃花詩十首後

絮飛作雪鳥絲蠻一面東風也自慳春恨不隨流水去盛

吳會英才集卷十

八

時猶見舞衣斑相思白玉應鐫字無價黃金爲駐顏便有  
羊姝總羞澀一時離緒滿湖山

燕哺雛

燕子銜哺來雙出帷雙入帷畫梁雙止時雙飛沙蟲鹿角  
細不擇幾處分飛還共歸頭頭如蜂出窠裏羣雛得飽日  
以肥無何故雌死故雄哀鳴戀其子本自故情重雛飢啾  
啾非獲已新雌爾何來辛苦將雛良可喜良可喜雛得活  
新雌作計乃爾點不哺魚蟲哺刺棘黃口無聲慄流血故  
雄覺之鳴更悲旣爾不復苛其雌來年新雛復雙哺故雄  
久久心自移一物猶且然觀者重嗟咨君不見恭世子尹

伯奇故雌命薄雛亦爾從識人間父本慈



陽丹牛羊方散牧落葉一以繁獨行意激壯寒早衣裳單  
若借異書讀勝飮空腸餐不惜馬如狗盤旋同轉丸

十八盤

朝行千澗曲暮宿萬山岵嘆奇先舌擣瞻顧笑目竭盤陀  
况梯升橫出更斗絕攀躋分寸難十步四五歇下視愁懸  
猿上陟怯飛鶻力均連股尻意動惕毛骨輪摧機轉確車  
簸海浮筏虛烟沉翠壑杳靄插遠笏精藏白日駭蛇蛻來  
徑滅亭皋俯呀庠人馬比蛩歷奔雷動地脈素彩散天關  
崩崖猶見樹陰洞未消雪荒榛時罨怪石屢泉竄險應  
穿鳥道幽恐近虎窟雖復登陟勞陋彼坂圯折旋

吳會英才集卷十

十

上塹魚銜鈎下坂瓶汲井風迴谷應聲日近峯隨影我行  
卻曲循弓弦兩驟若用長繩牽梯升步步愁退鷁俯騁跼  
跼驚飛鳶薄笨車衰駝載白黍黃梁輸入塞道途一味  
說豐年就食爭看人負耒烟墟客到進晨炊壯觀平生汗  
漫期不是長官能惠愛孰教山水助清奇

土城雜詩

乘歸代其數與良意運對手骨痺對對轉那車

嶺作城臺阜作垣鼓爲記里棘爲藩蓬枯石削寒沙路書

聲人家早掩門

鄉音吳越半僑居但衣縫羔少衣袵峭塹慣曾寅遇虎沈

坳惟欠亥收魚

花鶻蒼鷹圍夜獵黃麇翠雉闐朝屢濛濛山氣白於絮風

晚霜風急似莎

戍營秋曠調生馬，礪戶春晴養鹿茸。爲近

翠華巡幸地，不教輸納後巴賓。

雪霽題春如近詩，並贈吳大毛四。

時俱依司戶舅塞外

黃沙崗頭一尺雪，凍斷急澌山腹裂。玉餅煖酒紅地爐，故

人勸我煎醅酥。吟詩勝如吹觱篥，學射更持金僕姑。月出

彎彎巒霧抱，雪後看山夜逾好。白草空驚萬里心，碧蹄不

惜千迴繞。寒燈照影話鄉愁，積裏家家畫虎頭。狗半三千

新應募，雪消莫忘來時路。

舅氏告予屢常夜行遇虎故云

閒榻留賓定幾

人山田歲熟能充賦

偕友登近嶺作

吳會英才集卷十

七

上坡不與下坡同，南嶺爭如北嶺雄。一月晴經前月雪，今

朝暖勝昨朝風。遠烟濃補近烟罅，側澗斜當巨澗深。自有

此山無此客，欲修亭榭闢榛叢。

仲夏自南中來，解后顧秀才以詩酬答。旣余覆車汶上，夜

而病熱，秀才親爲調藥，其意甚誠。今久而愈，感之因復

寄贈十四韻

容也。通方彥交，新別意厭。酒痕猶在袖，書札嘆常淹。澤國

初愁旱，征驂正苦炎。坐看場碌礪，惟缺雨廉纖。韻爲分題

擇餐，因合座添攜書，多借覽。從僕亦忘嫌，野外風吹面。宵

深月掛幘，奔車曾不戒。勿藥竟誰占，巾履親教整。刀圭手

自拈，重思公子德，轉著大夫廉。族是烏衣舊，人懷赤棒嚴。

久官家益落重望晚逾謙

以上指尊前清河公

客路今逢雪君詩足

愈店殷勤托飛翼欲敘口如箝

代人有贈

五銖衣薄畫雲綃硯匣琉璃解頰椒爐煖翠頰心上篆鏡

瑩紅隕影中潮脂香羅掩痕猶印粉醉霞烘暈未消配藥

方依辰日合照愁鐙剩卯時挑偶耽靜色風飄絮特愛秋

聲雨滴蕉睡起錦書和月織病慵青黛剗烟描衫緣篋冷

薰初透絲爲桐枯韻轉遙花苑霧迷渾是夢湘簾波浸不

勝嬌偷翻宮徵頭頻側閒擲丹青手自調欲識惱公無限

意燭盤堆淚去迢迢

重過偏嶺

吳會英才集卷十

三

覲面兩崖間天梯迴莫攀風從羊角轉石露虎文斑凍水

流還住勞人去復還棄繻成底事策馬度雄關

歲暮書懷同家民部兄次韻

萬里遨遊信馬頭題名人去記南州難忘江上看花發

春在新未覺天邊犯雪愁冬至塞上故國音書憑斷雁壯年心事慨

登樓今宵司命拚同醉簫鼓鄰家一派流

吟舫題詩列上頭驅車忍復過西州子承絕學三千牘士

贖孤寒入百愁追悼竹君先生其靈簡舊讐劉向火魚門

客死寶僚還悵庾公樓朗夫先生卒老成凋謝爲時惜何

止年華似水流

謬許歐門出一頭蕭蕭去馬古涼州魏依魏闕心終戀寒

到邊關夢亦愁轉餉昔籌金馬驛稱詩猶重白雲樓曲江先生

初赴伊犁疾作於塗玉門此日占鄉信弱水西歸會合流

絕徼歸來雪滿頭焚香清坐似蘇州蘭泉先生齊名蕭李應難

繼兼指辛別派盧劉合貯愁敢以冰霜嗟白屋豈無弦管

開朱樓委蛇不廢談經席盡是中朝第一流並謂曉嵐草

諸先生

篠驂相送蜡湖頭星使重聞入薊州

天眷老臣逾輩行士遭知已釋窮愁名心空費三條燭物

望誰居百尺樓梅信嶺南春獨早人來幕下足風流癸卯

與補山先生別於齊河茲將自粵入艱留以待之

松陵唱和寫蠅頭遊記還堪擬柳州漆葉未求遲服食白

吳興才集卷十

十三

楊多種慣宜愁奇貧轉笑陳驚座秋士昨自苦瘠頻傳趙

倚樓聞德生居賴是惜才韓吏部尙堪一柱砥中流謂石

生

我愛吳中顧虎頭依人還向虎頭州梅峯客文心呂映史

蒼言成名晚詩格余少黃仲則學步愁尙喜井梧吟幕府可無

燈火近樊樓雅存秋重來生死論交地蠟淚堆盤聽自

流

扶攜筇杖節過頭落落晨星散幾州烟瘴才人供薄宦笏

匏尊遠湖山佳句伴離愁魯思超然松承平故事徵官苑

似撰獻之消息梅花過驛樓杰士久客歲時都可記迢迢

相水極南流西河客

讀書何益賈長頭下考誰知陽道州閒榻冷供人問字

解組後方衰顏暖借酒消愁家三叔父亦舊遊莫訪金沙

渡四叔父詩健筆能題黃鶴樓世父在楚在法鄭大夫姑

以儉驚心宿草涕長流昨冬予歸為季父奉喪

木奴有約種千頭櫛櫪何因閱百州春到錦江新柳恨

從壻雪深榆塞遠山愁近丙子以歸飽經風露雲中鵠厭

涉波濤水上樓下築若逢王錄事寒泉還引遠壻流予與

有異日歸田楊孝婦詩其發

楊母吳夫人世所傳孝婦也舅病割臂和藥銛鋒尚存

其外孫徐書受既作傳畧復為詩流涕而哀之

吳會吳才集卷十

白日黃泉慘分色稟稟愚誠出竒特精光上燭造化驚屋

漏環觀鬼神偈願婦不獨生曲從安所施慨然自激奮涕

下如縷糜其鋒廣三寸中有天地慈我見再拜心中悲人

子不孝安敢持涌泉舍旁躍雙鯉天降赤虹表徽美百年

觀感悽愴深古來婦孝難於子以父視舅母視姑如婦為

婦天下無請看血裏光模糊

楊節婦詩

予叔舅養吾字浩然納采于吳未婚以母喪不勝卒吳

以女來歸夫一女子之死不二事夫父母斯不惟貞而

節不惟女而婦矣于是著此詩乞管松崖先生作家傳

焉

粵慨眸合之禮今寢荒不幸值變矯枉離其常固非中道  
曷爲貴乃恥鄙薄標孤芳吾母之母古遺孝子毀婦順同  
馨香此心已許謂永畢一門潛行久乃彰問名却溯髮齊  
額十三初織雙鴛鴦空閨幽幽白日暝驚飛孔雀東西翔  
是時白頭一老痛欲絕猶幸墨車未迓非婺孀詎知含辛  
桂食蠹筭髮在室拋花黃所親百計竟莫奪凜然義貫冰  
雪霜吾觀世典述高秀類緣激烈生蒼皇輕身壹志結襦  
後杞妻善泣城頹墻未聞十年之貞變苦節柏舟矢誓追  
共姜婦而從容就義有如此盛年旣去蒜髮垂蒼蒼吾生  
也晚舅先逝學于外舍十歲強誦書有似瓶瀉水機邊還  
與絮寒裳甥能似舅古所美零落不少西州傷苦心堅行

吳會墨才集卷十

五

安可沒鐘郝匹休非過當自今傳人傳文女憲會不朽徵  
我此詩日月一字堪爭光

題徐幽貞寄兄書後

幽貞適顧氏早孀字曰安茶爲元和諸生徐昌基小妹  
今其仲兄某客濟南凡寄駢體文三千餘言附絕句十  
首其辭清麗纏綿讀之酸鼻女中之孝穆也昌基字闈  
伯有愛日山房遺詩若干卷年如李長吉遂以奄謝信  
爾一家之多才不幸之並值因題數詩聊志吾感

研光小楷密於蠅剔燭長吟愴不勝已分玉樓妖李賀更  
憐椎髻有徐陵

大雪書在物華徂遺稟親編墨半枯無命亦知蟲食苦別

鐫私印號安茶

詩人有姊比機雲零亂篇章雁失羣合萃一門呼學士那

禁清淚落紛紛

因幽貞之才念先姊頗相似也

氣節昔在仁真思前災

敢誇佳傳高愍女轉累才名盛孝章妹有傳文兄著集任

從天死任從孀

焚燼黃並和妹桑林春賦溢巾風釋桑

題機聲燈影圖爲洪稚存母蔣夫人作于錢謝不回已

三遷依外舍天憫此時心絲縷都成血燈昏不可尋冰霜

青鬢改風雪破廬深鬼亦爲之泣君聽紙上音

先世存孤義遺孤孰與存父書親授讀子夜暗聲吞屏質

子夫勇衰宗再造恩征衫悽已徹密密舊縫痕同庚七草

早出名爭重懽然進一餐黃泉宜下報白首事粗完已薄

吳會英才集卷十

十一

浮榮儻要知特立難至今傳畫荻隣媪泪闌干

足繭惟餘骨投淵萬死回過情寧忍責齒指况同哀寸草

三春瘁逢人一卷開寒機猶髣髴拜母昔曾來

刈麥行

前年飢逢去年熟刈麥無人望塲哭今年農屬又多收烏

鵲棲枝牛抱犢淮南問價我初來玉粒千錢換不回已喜

黃雲暗阡陌綠葵紫莧並時栽桑椹落地盈寸厚駉桑餓

人骨還朽昔也無田今有畝昔已無兒今有後昔已無妻

今有婦兒能吹豳婦擊缶却憶流離惜升斗我思備災荒

厥有富人倉又聞本相當亦有兌糶糧豈如調劑出常格

櫛比屯連成樂鄉

借董超然途次雜感十首

往賭旗亭醉紅裙上馬驕潘毛今並改桓笛此重邀柳絮  
飛還撲鶯簧巧正調離憂若河水東下日迢迢

亦是悠悠者都嗟行路人客心初感逝樹色暗傷春笠澤  
藏書舊青章著集頻文通懷彩筆賦罷一沾巾君近爲予作悼亡詩

序

節序偏驚早飛紅到若榴一從辭紫塞無復跨青牛化石

心難變爲雲夢已休開箱帟展摺驗取淚痕收去年此日正塞上與

亡妻別時也

斗菽論珠買天中昨歲祲亂墳餘白骨小草泣紅心飲馬

臨前渡棲雅戀故林斷垣蒿一尺擊壤又聞吟

吳會英才集卷十

七

桃閨湖上路相見拂征衣此處一回首重傷烟景非指蔣松如

晨星殊落落涼雨尚依依麥隴連雲積風塵思息機

僕射山中客青青桂樹叢人將玉川比地有葛天風壁自

千尋立交原四海空近書無乞米猶足傲顏公昨連得錢曾思書訊

予近狀

吁嗟未易才去上黃金臺醜博號書苑名流艷錦堆經曾

千佛妬榜爲兩花開孫淵如楊君大我亦聊快意呼童撥

宿醅

下第者六子請洪雅存董惠疇余伯扶張萼樓萬華亭家朗齋能令萬馬暗飄風

隨病葉飛散若寒禽姓氏名卿嘆年華短髮侵不堪過別

墨絃絕少知音頤得村司

重許窺東閣，淒涼太傅孫。言從粲花出，詩是錦囊存。錢穀原爲

文端公師友均咸籍，聲華敵濟渾。羅池神有例，汾水好招魂。文端少子待之卒，武功令傳爲汾水神。

趙生左杏莊衣如雪，臨岐愴近遊。何當守鄉里，相約種松楸。

道在寧終屈，言多轉自尤。慨君追逐意，不屑作糟邱。

睢州謁湯文正公祠，公會孫貽公全集，伏而讀之，賦此以贈。

中州紹絕學，元氣在天壤。登封介寶，石城靜菴先生。皆峩峩入

里式，几杖勲業未有如公尊。月十有八，疏百上三吳財賦

天下半，俗敝淫奢亟，恬養闢廟爭，刊去日碑，範金早鑄生

時像，丁徕以次漸，蠲除旱潦，頻憂亦清丈，簫鼓山塘絕冶

遊娶婦，巫沉祠，毀象大儒舉，動必非苟，近代文成世，無兩

手捧遺書，近百年墓門木拱，吾安放野祭，常人滿路，隅江

河到處通精爽，升堂及見三世孫，作宰猶堪百里長，朝無

黨禁，蜀洛分地推門望，崔盧往莫怪，吳氓銜舊恩，請聽松

檜蕭蕭響。

予有天倫之悲，知己之感，托物以感興，四首。

鳥

樹頭有慈鳥，辛勤將數雛。但求巢樹穩，不惜羽毛枯。寧毋

飢雛則肥，寧毋倦雛則飛。飛飛不能遠，還向母旁依。崇朝

風利俄飄散，流落天涯驚不見。反哺難酬一命輕，卽今惟

賸鳥傷縣。

吳會英才集卷十 九

雁南翔空稻梁雁北嚮勞悵望雁來雁去幾春秋一飽從  
來拙自謀可憐影斷關山月傳書遠寫寒雲色縱有絲桐  
譜怨音失羣無復連行翼

燕

燕燕尾涎涎雙棲畫棟塵江南塞北絕消息無限風花愁  
殺人一燕山頭形化石石爛形銷心不隔豈無雌蝶與雄

蜂失笑花間枉自逢誰家更有閒庭院獨宿空梁淚如線

雀

空倉雀何脆弱誤投樊籠中舉步不得躍誰能哀其窮飼  
以葵與藿縱之使飛鳴日暮欣有託無何倦羽亦知還月

吳會英才集卷十

九

冷霜清憶故山人生所貴重知己何處報君雙玉環

對月

又見清光滿誰家急擣砧竟成消渴疾能照下泉心藥碗  
先時寄刀環底處尋泪痕疑在紙凄斷白頭吟

題臨清閘官歌後

族父訥堂先生爲邢臺令卒於官一子均以受代事羈  
留先送喪還舟抵臨清磚閘倒檣絕纜一行船次遭溺

死者四人獨弱孫傍浮棺以免適漕艘大集詎諱萬端

賴閘官何士錫堅持不啟於是神樞暨家人並獲登岸

皆其力也可謂難矣距今十有五年吾兄均感何君之

德不衰乞所交文人作歌以嘉其義而屬予記事并著

此詩

十年茂宰不厭貧薄俸無餘同指困可憐累重卽長路  
旄飄飄愁殺人郭璞水仙伯孟公亦船神廉吏當愛惜底  
事遭爾嗔倉光固無知弓隆胡不仁旣非荆次非之舅堪  
嫉又豈澹臺子羽璧可珍其夜風狂月黑岸奔石一家將  
在鬼錄誰能呻何君爲人急人急憫此奇災寄呼吸燈火  
千夫魚腹爭力盡自嗟卑職級歛見前和浮水來一兒無  
恙衣纔濕問知喜是五歲孫范喬捧硯增於邑轉漕嚴程  
咎獨當執持如此無人及空媿知交滿世間從茲千里轉  
車還吾兄至性本殊衆徃徃對人私涕潛不聞延陵之劍  
繫瓏樹風義今重見抱關

吳會英才集卷十

十

十年茂宰不厭貧薄俸無餘同指困可憐累重卽長路  
旄飄飄愁殺人郭璞水仙伯孟公亦船神廉吏當愛惜底  
事遭爾嗔倉光固無知弓隆胡不仁旣非荆次非之舅堪  
嫉又豈澹臺子羽璧可珍其夜風狂月黑岸奔石一家將  
在鬼錄誰能呻何君爲人急人急憫此奇災寄呼吸燈火  
千夫魚腹爭力盡自嗟卑職級歛見前和浮水來一兒無  
恙衣纔濕問知喜是五歲孫范喬捧硯增於邑轉漕嚴程  
咎獨當執持如此無人及空媿知交滿世間從茲千里轉  
車還吾兄至性本殊衆徃徃對人私涕潛不聞延陵之劍  
繫瓏樹風義今重見抱關

吳會英才集卷十一

闡清山房詩

武康高文照東非

高孝廉縱情山水倜儻不羈少時隨宦金陵得從簡

齋太史遊朱笥河學士典學皖江辟置幕府登臨嘯

詠幾無虛日鄉薦後遽主蓉城遺稿散佚秋厓大令

以賢達素交搜羅片羽相其生氣如接美襟惜乎蕆

海一編芸煙久化物之傳不傳信有數夫

八日泊蘭谿

灘聲曉色開鷓鴣八詠樓前一棹移過眼江山頻對酒新

年節物卻宜詩菜羹金勝回春易蘭葉銀箏顧曲遲屈指

斜川遊罷後東風小雨又絲絲

吳會英才集卷十一

一

廢園

一種城南地十弓驚心不與昔時同多情沙燕模糊語背

客牆花淺澹紅片月尚廻行藥徑長榮疑蕩隔簾風還勝

白傅長安宅看徧池臺只畫中

白居易題洛中宅第行云終身不會到惟展畫圖看

宿遷懷古

峒晤山色歷吞猶舊國鍾吾控上游地接邳徐風漸大河

兼淮泗水爭流淮陰廟下蘋花暮下相城邊麥信秋莫訝

浮雲多莽蒼昔年屠狗盡封侯

早發

蘆簾風細燭光殘披拂絺衣露未乾行盡柳陰三十里和

煙和月睡征鞍

雞聲喔喔荒郵外，鈴語當當古道間。  
紅日初昇塵未起，馬頭看遍穀城山。  
西轡星夜又東馳，心似圓同半鏡圓。  
峯嶺巒嶒爭雄亞，岱宗崇禩知不遠。  
雲氣往來濃，鐵槍行

將軍之矛丈八尺，瞋目當橋勇無敵。  
力士之錐百廿斤，大索十日虛無人。  
天生異人定自異，何物彥章憑壯氣。  
赤脚入棘不足神，手弄一槍等游戲。  
由來槍利馬必驍，豈有巨馬三丈高。  
沙陀義子等閒耳，浪說使鐵如使篙。  
嗚呼豹死文章人，死節不在區區一塊鐵。

吳會英才集卷十一

二

九日飲趙謙谷上舍齋

綠天一徑露榭杖，剝啄來尋冷客家。  
連屋叢書堪辟厄，插頭細菊當簪花。  
歌殘易使歸心動，醉後都忘作計差。  
迴首可憐霜月夜，幾人對影在京華。  
九月十四夜同徐西灣吳楚頌兩太史徐星莽孝廉城隅小步

天街得雨便沮洳，小霽剛逢退直初。  
港面月生浮樹遠，城凹風斷度鐘疎。  
豨列帳周廬肅，鴛鴦忘機坦步徐。  
猶憶短簷疇夜事，三條燭跋正催書。

十月十七日徐西灣星莽兄弟陳劬園同年饒予陶然亭

即席作

置酒臨高臺未飲意先醉浮雲西北馳奄忽遽南逝睠予  
出山心膚合抱雲氣天門空蕭寥飄瞥墮寒吹闌干江外  
山杳杳隔河冀水驛程四千愁非到家地何須和燕歌始  
濕襟前淚

窮年臥菰蘆契濶負故人忽枉天上書感子促駕勤平生  
西向笑今此翻含顰可憐柳萬條不繫南歸轅朔風一以  
振心隨飛葉奔亦知別斯須且持手中尊明發渡蘆溝寒  
照遮青門

文丞相祠

去年我過丞相宅廬陵特起文山碧今年我拜丞相祠西  
風蓬勃柴市吹遺蹤到處發人慕茲遊又與靈光遇當年

吳蒼才集卷十一

三

投袂初勤王欲斲鼇足支南疆紫雲下降夢非妄宋之瑞  
實天之祥火德無光吹不熾倉猝臯亭伯顏至雷電空翻  
鄂國旗井波不滅思翁字二王別立恢復難趙家塊肉存  
亡間崖門颺起海舟覆臣力竭矣摧心肝狀元姓字榮青  
史所重此生惟一死同時亦有畱夢炎名玷三魁可勝恥  
衣冠南拜辭故國正氣歌闌浩氣塞生祭何須王鼎翁攜  
手真借謝枋得此地由來古薊門遼金風物摠銷魂吟邊  
定說環兼柳

環小娘柳小  
娘見文山集

不獨昭儀憶水雲

趙北口

煙痕冪歷水痕消十二紅闌一字遙風欲戰時蒲獵獵月  
將生處柳條條燕南雙泊連瀛海宋室三闕失瓦橋我是

江湖舊鷗鷺才聽襖雷便魂銷

扁鵲廟

一飲上池水千秋祀國工禁方傳腐史弟子得倉公技妙  
天人合神存心手同從來生死術隨俗有奇功

藹相如墓

千金頭百金璧可與俱碎不可得曲在趙曲在秦和璧端  
然歸趙人澠池會上對酣酒御史大書王擊旣償趙何須  
十五城竟取咸陽爲王壽行人到此拜石墳七國只有一  
蘭君虎狼之國何足云回車且避廉將軍  
任邱懷古

解濱侯兒肅廟孫謁城餘蹟莽寒榛終教龜鼎歸常侍枉

藹相如墓

四

闢園牆貯黨人西邸公卿紆紫綬東山寇盜著黃巾文陵  
未冷官棲鹿難改稱天一字真

易地原稱古冀方燕南趙北此中央將軍自却烏桓虜義  
從爭喧白馬郎十罪疏陳何慷慨三重壘築太周防而今  
樓艣空千里莫上高京瞰夕陽

劉孔昭宅

十載頻求孝秀科交州一夢竟如何我來漸遠吹灰路不  
見風林疥駱駝

韓嬰墓和朱學士作

三家同傳詩卜子各從朔申公浮邱徒后蒼轅固學博士  
誰竝立訓詁或穿鑿偉哉太傅功特與風人擴內外傳萬

言四十卷頗數說較齊魯異行獨燕趙廓最明有王食著  
錄在渠閭迄兩晉世還未二傳全邈晁志歎清婉歐跋信  
美惡何年四種佚僅餘十篇約雖悲帙消零猶剩說錯出  
雙璜元禮引六射固通索戴記及鴿胎善邈述雖鷲鸞和  
辨旣詳驅晏義尤確洽聞到筐蒲瑣事逮雪霽信乎精核  
最間亦持議駁刺幽雨無極頌魯奚有作伯封爾何人黍  
離乃誤託凡茲闕考訂竟爾付寂寞唯有外書存已同度  
閣畧我嘗疲檢閱每爲賞揚推架頭漢魏編陞次毛鄭錯  
首標曾仕莒末及姜冶嶽匪石貧憲心鼓鐘天回樂非惟  
逆志妙兼且徵事博禘祫合食均封禪紀姓各傳商勇內  
劍表賜智操杓篇篇語清新字字意絕踴惜哉世固陋不

向古開拓東海序尚刪北地學宜薄荒墳瀛景界似與董  
公角何處覓孫商寒煙一杯卓

瀛臺

石門已過商林來三十里鋪車走雷北風吹塵日色淡馬  
頭笑見瀛王臺樂哉老子未仕日手揆兔冊荒園隈奉身  
刻苦作儉約茅庵一箇軍中閒遣來妖豔別室置人田却  
與耕荒芟一朝被召詣京闕學士乃擅中書才天成長典  
謨該見皇已立阿三廢此時大節何表徇再閱晉與耶律  
漢石榘幾見花重胎四姓十君瞥眼過靈光無恙偏崔巍  
保身似此亦可醜癡頑乃自矜无箇晚年著書述榮遇太

師燕國崇勲階爲臣爲子爲司長時開一卷樹一杯嗚呼  
廉恥道旣喪王疑妻事吁可哀俗物幾能解風雅驢鳴鼃  
鬧徒堪哈空山骨朽九百載遺址未圻何爲哉同州酒務  
恣修廟築此知不由家財鐵槍畱名爾畱臭林慙澗愧汗  
蒼苔急呼鋏舌爲鏗削去看碧海淨蓬萊

河間

奕奕車又入河間過客長思帝子賢六籍遺文蚪斗在三  
雍雅樂鳳簫慙毛精壘古連尊福董學荒邨問廣川畱得  
日華宮一座壓他多少步瀛仙  
獻縣懷古二首

河勢如鉤抱樂城伸承精舍未應更經生策擅無雙譽黨

卷之十一

六

鋼編開第一名花外茅堂高隱跡袖中蔬草直臣聲卯金  
也有淘沙客慚愧窗前書帶生

阜城有劉  
豫讀書處

隴上傭耕鵠志同隋家失鹿竟羣雄略殊江表乘蕭銑不  
共秦王赦世充弓挂虬鬚人早出豆來牛口勢真窮軍門  
釋縛降琮地河北猶飄助戰風

景州

膠西相國此遺廬尚憶當年閉戶居三策天人王佐學一  
經記載素臣書竹林有作遺遷史草藁無情屈步舒牧豕  
牧羊摠卿相先生只合伍相如

發安德驛

名山如名人相見各有數况乃衆山尊尤間世一遇伊余

夢岱宗歷歷登封處秦碑與漢檢暗裏幾捫度南還過安  
德云上泰安路看日雞一鳴預闢驚人句如何人事閱站  
宿阻情素牽車出驛東竟背名山赴譬若古偉違交臂不  
一語又如聞異書怱怱別經庫騾綱快安逸載馳不返顧  
而我願未償連日惡頻作笑謝五丈夫姑看黃雲去  
華歆墓

魏室三公貴炎精百六終黃星明冀北皂帽去遼東直隗  
龍頭號休誇鼎足功一杯聊酌汝割席恨無窮

魚山

智瑀迎不來魚山迷處所獨咏右丞詩日暮神靈雨

黃石祠

濟水合馬頰春秋陽穀稱赤松遊不返亂石暮峻嶒

項王墓

魯公既裂死無復拔山勇太息生王頭不及死士輩

礮礮

聞說量沙處礮礮今尚名憑誰收地志卽此是雙聲

望岱

列嶂層巒四面屯一峯斗起丈人尊渾疑到海全無地不  
信升天尚有門陽魯陰齊覘氣候顛秦蹶漢闕乾坤朝來  
泗水橋邊路指出濛濛未了痕

天帝孫原列嶽宗軒轅而後幾遺蹤重溟赤捧三更日絕  
頂青寒五粒松最上直愁飛索斷半巖時有活雲封騰身

擬過仙間石十八盤高何處鐘

木落高原決肯遙天齊作鎮鬱岿嶷秋清風雨時還暹夜  
靜星辰欲動搖北折河身分兩戒西來山色勒中條斗杓  
滿酌流霞釀孤負雲鬪玉女招

漢帝鑾輿望幸迴貝花芝草夾途開泥銀永闕乾封牒植  
壁重增建武臺合有黃龍乘運至更煩青鳥遞書來皇皇  
封禪傳千載還憶當時作頌才

晤劉肯堂

十月交河道輕冰滿玉箱淮南重把袂柳色未全黃氣候  
區南北年華閱煖涼不須頻問訊驗取髻邊霜

蘭溪雨夜懷蔣大香雪

吳會琴集卷十一

八

揮手鑿江別淚深春波千里思沈沈美人遠道隘蘭澤仙  
子當年種杏林小閣喜調鸚鵡語孤舟愁展鳳凰衾一般  
滋味憐飄泊與起江湖十載心

涵暉閣夜坐

側側寒侵枕明明月浸奩玉光亭上望更下一重簾坐近  
香銷字淡深漏盡籤憑欄此遙夜認取兩峯尖

草坪

關門一綫指山城又上籃輿得得行高下清渠喧玉佩縱  
橫薺麥亂棋枰郵荒花事三分減雲擁嵐光一半明大好  
青帘茅店酒當杯須要十分傾

早發臨江湖

出門不見山人在山中度怪鳥時一聲前峯隔煙霧  
三衢曉泊

沙燕如相識翩翩傍客郵  
籟蓬三日雨溪路百泉流  
樹影分姑茂春寒偏女樓  
金川途近遠心折大刀頭

香口題酒家壁

一笑濃檀滿頰生酒旗搖曳帶心旌  
郎今不醉緣何事門外灘流如許清

坑口

峭壁臨江鳥道懸丹砂蘸葉竹便娟闌干一曲無多地  
看盡清流下瀨船

詔起邵會元晉涵周進士永年余進士集戴孝廉震與修

吳會英才卷十一

九

四庫全書用方北部昂韻御寄

丹綽旁求石穴書普天光氣吐蟬魚洽聞端賴終羸豹薄  
技空慙黔地驢亡去篇增安世篋

時奉旨微覓失去永樂大典一千册載

來學富惠施車諸公袞袞承天詔一夕都空處士廬

太室香凝古俎尊弦弦青折映春温六經到底難高閣八  
覽居然在國門此日桓榮才得力舊時董子絕窺園百川

派別終歸海休辨江河清濁源

彤廷講德會諸儒劍氣驚看動鹿盧  
漬粉調丹分几硯同和異器奏笙竽  
雍容揖讓周三雅斑駁文章夏六瑚  
回首

青熒燈火地荒江風景不堪圖

屈指人間幾甲寅孤生天地一微塵  
魏收木榻經穿久劉

總雕龍自鬻頻予方補輞前海一書已兩易稿曠典千帙遭聖世空山

四壁有逋臣大官庖味寧多羨珍重青藜照讀人合璧

仲夏泛舟玉湖登岷山會飲具饌于舟

城南一榷卽仙官結夏何須選勝工波動湘紋簾在水閣

迴卽字笛當風連陰細柳爭衫碧欲語新荷學臉紅消暑

更應煩井汲鉛華手掬火雲中

七月七日同倪蓉江楊秋塘沈蘭圃張鏡湖張印渚許雪

塘姚藝馨陳蓉坡孫樵風泛舟菱溪分體得七言長律

二十六韻

柳暉亭邊上畫舟鮮風拂拂浪油油一天好事銀河鵲十

里秋光粉鏡鷗人爲雙星添燕喜地兼四美散離憂移帆

吳會琴集卷十一

初自垂楊外載酒重沿古渡頭羈殼窗明銜了烏鸚螺玳

潤卸中禱頻穿荻港通荷港忽失蘋洲又蓼洲面面溪山

王戴句心心風貌阮何流神光只向微波接靈匹休從碧

落求紈扇裁詩新韻侶玉鏤薦枕舊芳儔尋來許邁三峯

約抹去張衡四詠愁雲日霏霏開遠黛川原宛宛動明眸

香飄席上花瓜晏綺散林梢鍼菊樓鳳駕鸞軒迷往返星

房月帳想勾畱微涼暗覺輕衾卷薄暑都從小簾收卽字

結當朱牖密雙蓮放近玉闌幽蔡經鞭值麻姑下王母桃

偏曼倩偷已判佳期爭此夕况逢戲具競千秋是日菱溪水嬉極盛

朦朧麝散煙中袂的樂珠圓岸上詭果溢聯輿人合璧花

多隔箔桂垂鉤仙迎漢殿如今未巧乞唐官有此不入夜

九光燈早爛深宵七孔線還抽美人正要憐風露良會無  
妨效女牛脉脉丹誠捐芷佩申申私誓共芸幃鴉媒可怨  
三秋隔鴛債真教一昔酬合有倪迂圖妙婧全憑姚合句  
雕鏤迴撓翻恨盈盈水欲欸天孫不自由謂樵風

喜許雪塘見訪  
門巷愔愔閉碧蘿美人疊權肯相過酒痕未減青衫在蓮  
粉初消白雨多世事浮沈雙浴鳥秋期遠近一繩河十年  
舊約風前話手把垂楊細細搓  
百名橋夜泛同孫嘯峯廣文  
菰蒲瑟瑟水泠泠地濃煙失畫屏眉月半絛窗眼白髮  
山一簇艣腰青芝田入夢陳王豔湘瑟傳情楚客靈酒令  
花光應認取樽前無恙髮星星

卷十一

十一

次韻許雪塘見贈之作

詩人例愛水雲鄉射雉偷過年少場慧眼未逢紅拂妓風  
心先識綠衣郎交于淡處情偏熱語到歡時謔亦莊記否  
桂花叢裏事濃香滿院倚胡床  
早從綺歲富三餘筆底江花四照攄賦罷曉寒侵碧簡吟  
殘香霧隔瓊疏紅冰暗把春痕貯白眼難教習氣除合是  
雀屏開有兆盈盈爭看上頭初

傅粉搔頭空弄姿瑤臺長憶月明時懷中錦字三年約夢  
裏曇花一現期畫壁可容凌鼠輩爭鋒只許競獅兒

孫樵風

相思紅豆雙銜處忍說當風拉雜之

平望寄孫樵風秀才

鶯脰湖波綠未消  
畫眉橋堍獨停橈  
相思初日牖隴候望  
斷離楊萬萬條

菱波風色足清秋  
好景樊圻貌得不輪與漁師  
借雉婦一雙鷗  
鷺汎中洲  
香入闌

過吳江

綠樹紅橋一櫂紆  
江鄉風物近句吳  
灘傳謔鳴空拋彈水  
到垂虹盡入湖  
斜日鱸香增客思  
西風颿飽趁長途  
船頭湯指琴臺堦  
今日夷光屬大夫

暮抵虎邱

斜陽一片桐橋路  
記聽笙歌又兩年  
綠鬢白銷愁裏日  
青

吳會琴才集卷十一

三

山好在鏡中天  
冰榭涼沁移尊後  
翠幙風清土燭前  
怪底思王情轉悵  
眼穿不見載花船

重過永濟寺

一磬隔花出招提  
又此行潭心新竹影  
樹杪舊江聲  
磯燕元飛動  
檣烏自送迎  
杪樞聞說法  
彈指廿年情

三至隨園呈袁簡齋先生

花未開殘酒尚香  
人間彈指小滄桑  
丹砂擲後都成堊  
那得麻姑鬢不霜

朔雪炎風萬里經  
含情重上冷東亭  
對公無那魂銷處  
秋

草秋衫一樣青

三元洞

詰曲螺旋一徑通直於鷹頂達鮫宮裏  
邈邈艾從天下鳴  
角公孫出地中絕處逢生原有路迴頭是岸豈全空憑渠  
檻外風波惡渴睡頭陀耳正聾  
兩扇窗扉貼水開無邊帆影逐風迴結成蜃氣終疑幻鞭  
到鼉梁亦費才太白舟應隨月上和陽山欲渡江來茫茫  
對此能無感一斛新愁付酒杯  
廣濟寺風  
閱盡龍華小劫空赤烏遺構冠江東  
雙扉畫闥寒煙外一  
磬秋飄黃葉中花不知名偏爛漫月如有意故冥濛  
我來但結名山契願乞尤家十日風  
側搶篇

宋煙客同年示我遊歸集有側搶詩一首雄轍古今余  
自采石歸揚州適遇石尤亦橫江而帆憶煙客作因成  
後側搶篇

人生首戒與天關

天關二字見潛夫論

百事爭先此甘後我行胡昧

趨避恆風正左旋我轉右愚頑屢遭神鬼怒三日狂飈守  
江岫江神竊向風伯語聊予薄懲止厥驟我時屏息不敢  
出默臥蓬廡自詛呪豈知妙用有舟師巧借風威與風輟  
初猶蟻磨小迴折旋且鯨奔驚入瀾船頭山勢低更昂船  
腹盤盪往仍復紅舷白榜濺齊濕酒具茶鐺爭一覆風如  
大翼鵬撲人舟作穿梭鷲織繡我友惜命被長蒙我僕思  
家骨亦皺雷訇電熒曾幾何頃刻金焦翠如舊舟人見而

各致語出險相將醉清酌而我推蓬一笑生忠信平生差  
不謬高躅巨艦豈云少萬水千山閱亭堠大賈椎牛川后  
喜達官笳吹飄師祐馬當山前出宰客官亭湖下分帆候  
得意憑將送入雲失機那免哀號救維余趨向背時利窮  
荷天憐妄天宥不見樵涇拾箭人朝南暮北天風妬

過烈山有三峯排列下瞰大江舟子云此古三山也詩以

紀之

絕險傳江介扁舟此暫經當天爭一綫在戶列三星桃葉

鞦韆壘新林謝眺亭

宋曹彬破南唐兵於新林港  
謝眺詩新林向板橋卽此

千年相

望處風利不曾停

金廣文新葺櫻亭落成招同錢百泉孝廉王秋塋上舍陳

蓉坡秀才謙集分賦

十四

蓉坡秀才謙集分賦

可要紅羅百幅張一弓占得好秋光南人結屋都如舫東  
里窺隣不隔牆多著闌干緣待月潛移竹樹巧偷涼吟窩  
天付詩翁老儘費經營到草堂

我是先生不速賓茗柯談理亦前因到來看屐渾依舊經  
用雲山覺斬新小築未勞堂燕賀臨江應有野鷗馴可能  
單爲羊求設也要然香滌研人

菟裘管得意何如不比當年庾信居喧地繁華梁肉臭冷  
官風味酒杯疎閒翻野史鐙昏後臥聽江城木落初比似  
宛邱差勝否無煩博雅辨枰櫟

送王蓬心司馬之楚

徽省熏香十載遲一麾出守髡如經青山紅樹江南北盡  
入先生畫裏詩

凍雨輕冰十月天相逢孤館意纏綿無端乞取維摩筆半  
壁藍田企脚眠

車如流水馬如龍明月淮南酒面濃要與繁華浣塵土蜀

岡寫出兩株松

司馬爲予寫山水及雙松圖見贈

奉常家法最風流司馬青衫感未休此去荻花楓葉岸落

颿先弔白江州

送朱筇河學士北旋

謝公亭下記迴船今日逢公倍黯然宦轍已增詩萬首輕  
裝未及例三年難滄公議風波外早鑿清名日月邊元是

蓬山香案吏人間小住也須緣

自盟白水渡江來瓊尺親擣次第裁永叔世推真學士宣  
城性癖獎人才六經奧義敦敦說八體殊形卷卷開檻水  
長流漫東注爲憑隻手障瀾迴

歛水豨山秀出羣天教勝地傾斯文神仙冠蓋穿松度賓

從杯觴藉草分衣袂尚畱秋浦雨扇頭惟畫敬亭雲桃花

潭比情深淺岸上歌聲合共聞

謝劍潭孝廉

人傳儉府比蓮池半載趨陪是宿期常憶碧雲亭攬古也  
同采石夜論詩公歸書局天從願我老菘蘆日苦飢可但  
寒江愁折柳此生不易得心知

贈白堤錢猛之

約約春波拍岸平  
重來倚櫂闔閭城  
五年紅豆同銜  
苦珍重鉤簾一笑迎

風風雨雨太多愁  
開過梅華始放舟  
猶有幽香帶人夢  
一株吟靠望湖樓

殿子沿隄不染泥  
袂衣初試度橋西  
迷津賴汝偏關切  
指出花梢翡翠栖

時同訪陳校書已移住仰蘇樓右矣

昏冒重門髹漆塗  
簾窠影直樹扶蘇  
輕容卸盡璫璃滑  
魂斷牆陰素女圖

雪後江南攬物華  
頰山鶯暗女郎花  
重寒未減絲絲雨  
閑殺鑪頭賣餅家

王孫舊擅壁人材  
年少如何寒鳳媒  
翠煖紅香三月路  
遲

卷十一

十一

君二十四橋來

錢生尙未昏官云當於維揚擇配也

暮登艤舟亭  
寄洪稚存黃仲則

如鉤斜月逗風心  
竹色池光一徑陰  
梅塢雪殘猶綴玉  
柳條煙弱早拖金  
黃山百里憑闌盡  
江水三年阻夢深  
只許相思不相見  
扁舟西上動吳吟

王二秋勝屬題負米讀書圖

考叔遺母羹  
鄴侯守父書  
孝親事則同  
兼之者誰歟  
我友琅邪君  
文采耀鸚雛  
少小識奇字  
腹笥盈五車  
一朝悲孤露  
瓶罄壘亦虛  
煮字那能食  
硯田勤耕畚  
淮南鐘鼓聲  
鼎鼎皆魚徐  
君獨抱一經  
寂莫孤館屈  
黃昏作鄉夢  
日高忘朝脯  
過余積潦中  
涕淚出此圖  
我乃爲君言  
斯事成大都

不觀無母兒出入誰倚問不見拈書人一束今已無有書  
便可讀有母百慮除勗哉孝子心富貴奚爲乎  
夏五集九峯園送蔣香雪秋竹兄弟歸里

十弓缺地占城隈多貯煙波畫檻開才有柳陰涼便到一  
灣流出隔牆來

兩錢紅芍砌苔滋宛轉房櫳步步疑忽憶江南小倉景山

元深罨紫玻璃

名園九箇丈人尊兩叟蒼顏獨受恩二石已入御苑也似山

王通籍去竹林惟有五君存會稽曾思春不登關  
蘆芽短短釣船低向晚濃煙失水西半晌風漪亭上立無  
情聽殺郭公曉

吳會集卷十一

延緣一櫂撇波寬髣霧衣風感百端自笑淮南老書記水  
嬉猶得異鄉看

綠酒如淮細細傾歌闌人散有餘情送君不登陽關唱聽

取風前鳴鏑聲是日較射三賢祠

新秋湖上同秋勝作

一帆婀娜狎樵漁秋水秋山見面初楊柳短長離思亂芙蓉  
開謝酒人疎銷金鍋窄年年在搖碧齋輕箇箇虛聽唱  
菱歌催送暑夜涼剛到蕩花居

曉出銅山寺

一夜流灘喚睡忙籃輿迴首別慈光溪寒深蟄魚龍氣山  
古常聞草木香客子試泉心乍激僧雛燒筍味偏長揮鞭

徑踏槐黃去早被梅花說煖涼

吳會吳集卷一

十六



楊進士梅... 長律... 中... 漢江... 少... 吳會吳集卷一... 十六... 徑踏槐黃去早被梅花說煖涼

陽湖楊倫西禾

楊進士博極羣書早傳聲譽與孫淵如洪稚存徐尚之輩倡酬最富曩以長律見寄秦中逸氣橫流才思煥發惜以關河間阻未見其人邇年主講漢江公餘談讌出觀所著杜詩鏡銓一書知其得力於少陵者深矣

永濟寺奇石歌

化工變幻不可窮平地忽覺生奇峯森然異鬼搏人立  
寔奕虛碧凌高虹蒼龍張爪左右夾岌業林端勢疑壓北望  
牛首南鶴林此石中間獨橫插得非巨靈擘毋乃秦鞭驅

吳會英才集卷十二

一

或云共工頭觸不周折一峯縹緲飛來孤又云桂陽奇壘  
避霹靂更從利水逃東吳惜哉不令米老見拜倒石丈頻  
狂嘯奇章相公誇甲乙似此巉絕知應無壺中九華何足  
擬如以貫鼎臨巖謁入雲斜嵌黃瑋瑁拔地倒挂青珊瑚  
天台雁宕落眼底叩壤莫笑愚公愚繞廊嘆惜百匝步鐘  
魚初敲日將暮嶙峋猶似逐人來風緊長江挂颿去  
過周家水亭

一徑尋深竹蕭然遠市闌閒花多落澗細雨欲沈山漁網  
平橋外人家翠鷺間東頭士龍佳時復敞元關  
秋草四首用王漁洋先生秋柳韻

濃陰一片伴唼魂殘葉秋郊獨掩門紅蓼連江迷鳥跡黃

蘆繞郭動波痕六朝舊恨芙蓉閣三楚新愁薜荔邨記得  
長干騎馬路裙腰如翦不堪論

漠漠寒汀著曉霜夢魂依舊遶池塘人因望遠頻登隴詩  
爲悲秋欲滿箱長信愁生崔國輔關山腸斷駱賓王沙塲  
日落催羌管戍馬荒原苜蓿坊  
如為卷次盤絲風  
野燒初殘點石衣重經南浦事全非王孫別後青蕪沒帝  
子愁深黃蝶稀驢背菊花吹雨過馬頭楓葉帶煙飛秋光  
綠到明如塚回首應憐故國違  
如為卷次盤絲風  
斜陽是處摠堪憐燕子樓空鎖綠煙容易黃昏人寂寞不  
禁風露態半綿春來鷓鴣思前度山上薜蘿恨昔年寶馬  
香輪消息斷含情重向渭橋邊

織畫

畫工巧織妃央紋蘭筋宛轉抽輕春花蟲十年不得蠹西  
風展開生綠塵水如羅兮霧如縠雲暝江空帆一幅衰楊  
彫碧罥絲絲繫點斜嵌辨孤鶯樓閣微茫山雨空明蟾半  
透光玲瓏滿腸纖縷引春線繡出百朶蓮華穠輕約一尺  
幾千里花氣香風欲起彈指畏觸青天痕斷截虹腰翦  
秋綺經之緯之比七襄浮彩照眼收麥光蠶絲煙篆互鈎  
帶紅飛沓颯花鬚長金鷺屏風玉窗影龍梭拋擲迴文整  
只今刀尺催寒衣畫裏瀟湘亦清冷

鄭編修西橋黃山觀雲圖

山頂安得洪濤春雪海萬頃雲蓬蓬卻立雲端視雲背俯

瞰塵世皆蟻封盪宵何止如擘絮軒轅煉丹舊曾住峯三十六洞十八蒼鬱迷濛不知處倚天峭壁斗可捫石上倒走長松根疑是癡龍吐煙沫遮翳白日蒼林昏我生亦具看山癖眼界未開負雙屐對此茫茫欲振衣便挽洪崖跨鵬翼大學會吟詩感興二首

和朱漁邨秋柳不試天癸冬不瀟殘月也來書

毵毵微綠靜含風霜染寒林葉正紅何處秋光遮不斷酒旗搖漾水連空

參差幾樹拂遙天長板紅橋驛路邊雨色連江迷去住萬條煙裏一聲蟬

吳會集卷十二

三

中多少倚樓人  
潮平月落酒醒時掩映妝樓態故遲冷落漳陽舊司馬西風腸斷小蠻詞

初秋寄內

涼意颯然至庭前露已清秋鐙醒噩夢落葉響空除遠愧機中織猶憐廡下居永懷多不寐數月少來書

和朱大學會秋晚感懷二首

牀頭金盡壯顏消帶革頻移瘦沈腰遠道薄游隨燕雀故園虛漏網蠅蛸賤脂從古都連騎盤馬當年憶貫雕爲讀新詩增感慨挑燈夜雨自蕭蕭

三載棲遲等繫匏筵尊何處索瓊茅儒冠誤我貪雞肋生

計隨人覓鳥巢幾度月明閒短笛無邊山色上吟鞘揚雲  
拓落無官位更代朋知作解嘲  
丹徒開月夜望江同洪樵存賦  
月出林梢背山郭客子乘湖暮帆落斷煙蘆港一鐙明決  
起橫天見孤鶴須臾勝概不可詳風吹月墮江茫茫瓊官  
翻倒貝闕動化作萬頃玻璃光急呼美酒共酣醉登陟坡  
陀了無畏一聲長嘯向江神驚起蛟龍夜深睡眼中兩點  
浮金焦橫楫欲渡龍鬣驕真人雲際若揮手萬籟寂闔霜  
天高肌骨清瑩遺世慮叨詠西江謫僊句采石明年賦壯  
游扁舟更訪騎鯨處

歲暮

吳會琴卷十二

四

歲暮尙爲客閒居百感增流光驚在苒儕輩各飛騰坐久  
灰頻畫風嚴酒欲冰名心消不盡時復歎芻陵

孫大淵如自負酒狂昨同飲而量甚淺作此嘲之并索和  
章

走也非狂生負氣時一動高視五陵子衣馬溢襜袴孫郎  
多大言時亦耐咀諷矜奇意詭激罵鬼書叙夢夜郎誇坐  
大毗蜚撼梁棟當車信倔強自舞醢雞甕昨宵大快意墮  
幘擊錢鳳壯士不能飲浮蛆情人送三杯面發赤尙敢薄  
劉仲歸途步傾倒喧若蜂衙闌文園昔謀醉貫裘甘忍凍  
渴羌亦解人未遣瓶壘空徒思泛輕舸快聽春禽啣如此  
稱酒人驚馬殊易控養由誇善射一發已難中祇應學師

德唾面受汗，驥君能雪此耻。狡獪當復弄，亦如孔璋檄。可  
愈曹瞞痛，更占需上爻。易義問焦貢，問焦貢一辭讀義表  
前詩獲戾已甚，登前韻解嘲。豈對問焦貢，問焦貢。  
我聞岳家軍，精悍不可動。豈畏短兵接，轉戰入狹衝。倡和  
盛皮陸，新意每堪諷。蘇子尤擅場，吞八九雲夢。韻險苦難  
押，勢若壓危棟。爲法當自做，戲請君入甕。誰知八斗才，妙  
句驚吐鳳。輕車就熟路，技益工縱送。涉林懼喪馬，踊躍從  
子仲。對壘遇強敵，沙黃鬪聲闐。鉅鹿衝壁堅，滹沱踏河凍。  
一矢相加遺，報復幾時空。嚶鳴擬求友，貴聽和平哢。何須  
矜捷足，不受羈勒控。君多麴生癖，臣亦時復中。仍當就歡  
伯，小醉解寒釀。且停鼓一作，尚有笛三弄。兩賢豈相厄，莫

記老拳痛誰歎，可言詩子夏與子貢。詩子夏與子貢

淵如誇其細，君知詩子索觀而不留。示再疊前韻戲呈

媧皇補天後，陰管律初動。白雲謠僊家，紅葉傳永街。芬琰

墜風流，妙製鮮足諷。狂生有天幸，韻友屬同夢。翩翩雙海

燕，棲宿盧家棟。簪花樵新格，秘若得銀甕。晴窻線慵拈，顛

倒繡紫鳳錦。箋偶分賦，每倚雙成送。胡爲慕狹邪，折杞類

將仲。豈伊獅聲吼，不畏鼠穴闔。金爐鳴留班，玉笋蟻浮凍。

愧無黃絹辭，來補粉壁空。君言細君得詩，輒用粘壁。和鳴有吉語，定勝

鸚鵡啼。烏號引不發，弦勁乃虛控。閨房射雕手，可許百步

中。想君徒效鬻，捧心尙畱釀。何當吐閭闔，一聽霓裳弄。八

爬想神人難免鞭，背痛空聞樂府綉。好曲傳羅貢。

平山雜詩

飛蝶隨風去作灰棠梨花映白楊開青山澆酒春泥濕知  
有人家上塚來

幔捲香車自在行章臺折柳路旁情吳孃暮雨蕭蕭曲散  
作春愁滿郡城

披拂千條與萬絲美人曾共鬪腰肢玉釵金鈿都零落惟  
有春風蛺蝶知

贈新安張四青門

我年十五思結交詞壇掉鞅從劉曹邇來落落如參昴半  
被飢驅走江表三年作客來蕪城相看冷煖隨人情把我  
新詩贊不絕就中與君稱莫逆君負才名二十年歸畊尙

少南山田吟成苦調花作骨春風淚血傷啼鵲

君曾梓悼亡絕句五

平生生意氣何傲兀來或無言去不別餐桃索米總游戲

一任旁人怪唐突蕭齋過從懷抱傾汪洋千頃涵波清狂

奴故態有時發白眼上視浮雲征偶誦消魂玉溪句字截

黃金類堪鑄曉風人唱竹枝詞夜火船歸桃葉渡三月楊

花愁殺人狂葩浪盡驕青春男兒須是戀知己有酒且澆

頭上市

洪稚存雲谿一曲圖

賤子與君同自出外家竝住雲谿側喚船渡口時一來鷗  
鷺無心盡相識早年弄筆榮蘭茗能文小謝稱知交月明  
高樓夜吹笛階石迸裂波回潮此時識君不常聚各握蛇

珠做厨顧黃童三尺世少雙何處聯陰醉倚樹十年彈指  
成流波故人宿草傷如何元卿舊宅更易主西州腹痛誰  
能過君輩飢驅爲將母我亦無聊事奔走中間消息阻關  
河惟聽新詩滿人口廣陵再遇連蛩驢三日不見兩致書  
謝公門弟半凋落每話舊事先欲獻去歲還家樂難數酒  
樓日日遲更鼓江郎風物正撩人游子偏嗟越鄉苦高堂  
白髮常倚閭季鷹何止懷尊鱸我觀此圖增太息思親念  
友三踟躕中年哀樂傷瓊瓊熟處難忘是年少何時粗具  
藜藿餐結屋谿旁看垂釣

小除日市樓痛飲卽送淵如之句曲

柴門盡日無客來握手一笑欣君回邇來交誼數洪子意

氣相傾共生死歸衰各有賣賦錢醪飲日醉黃墟邊青龍  
鋪筵虎執榼奪蔗起舞思童年心輸懷倒無十日怕說來  
朝是除夕旅燕羣飛返故林君獨滿門皆作客沿街但聞  
爆竹喧豪家問餽羅羶葷我曹爛散百無事復尋酒徒傾  
瓦盆興酣拂袂頭搶地觀者如山不能記羣兒拍手助叫  
嘯一日狂名滿都肆嗟君欲別無奈何歡樂已極哀情多  
北風蕭蕭雁聲苦日色欲下生微波扶醉登舟送君去酒  
醒江寒不知處

舟中夢登焦山作

沫光慘黯如欲雨一夕輕舟發江渚櫓聲雅軋霜滿天吟  
魂飛上荒山巔捫青蕩蕩若鍾乳照眼百道分流泉洞門

重局黑沙灑僊夫不來虎噬足醒來一夢墮空江蓬底燧  
燈尙如粟

蘆聖放舟同映川兄弟蕙疇穉存尚之淵如應尾

爲訪招提去輕橈指曲塍秋風千頃稻夜雨半湖菱潦草  
杯杵具喧呼澗谷應廻舟防月黑林際閃疎燈

爲有千觥醉遲予一日行叢譚能砭俗入座盡知名風急  
菰蒲響天寒沙水清貧交容易散吹笛帶愁生

題王二秋塍詩藁卽送北上

故鄉吟伴集羊何磊落王郎斫地歌同輩欲歸君更出滿  
天風雪渡黃河

過嚴陵釣臺有感謝臯羽事

吳審奕集卷十二

八

宋季丁百六柴市奮忠義延平一布衣仗劍參軍事空坑  
敗散後亡命不屈志平生感知心念及橫涕泗挾酒登西  
臺設主修野祭冬青猶可望五陵失佳氣慟哭空山巔浮  
雲萬重蔽魂兮招不來擊碎竹如意淚隨江入海此恨終  
天地一讀朱鳥歌千秋爲酸鼻

章江晚泊

比屋炊煙起停舟綠水灣虹明初罷雨雲重欲添山鶴翅  
晴應曬鷗羣去不還一蓑依斷渚御羨釣人閒

徐孺子亭

下榻曾傳處士風弋人空復慕冥鴻可憐張儉成亡命猶  
自名高俊及中

豐城行

紫氣崑崙夜衝斗豐城獄底雙龍吼雷公失色蜚廉驚妙  
達天文象能剖從來物理有屈伸至寶詎久埋埃塵延津  
更復見騰躍蓮鈇化作黃金鱗卽今干將太阿豈絕跡茂  
先一夫無人識

過廬陵弔文信國

半閒堂中蟋蟀鳴夜閉白雁東南驚崖山風雨事悽絕天  
遣一老留餘生文山大節高嵒嶮一簣無由障江決辛勤  
萬里覓遺孤敗衄非關出師拙孤忠百折不少更正氣耿  
耿胷中橫當時生祭出炎午公豈以激成其名忠肝古誼  
科名厚重齋得士眞殊衆柴市黃蒼碧血埋疾風逢勃沙  
塵凜江外茫茫對夕暉千秋石塔湯評論招魂痛覓浮邱  
老尚憶詩人汪水雲

登觀音巖

巉巖腳插波骨立無片肉洞門誰所開冥寺剖山腹鉤梯  
上危磴白日欲炳燭水府蟠蛟龍慘慘霧雨蓄怪石忽壓  
頂仰視眩頭目壁峭嵌飛動牙角紛抵觸得非神工剗母  
迺鬼斧斲飛閣躡虛空懸崖勢疑覆倒垂識鍾乳輪困似  
古木削成青蓮座深黝鐵色剝一然長明燈夔兩竝走伏  
招提寄雪竇枕席伴雲宿空穴來寒風清襟散煩促仙靈  
此窟宅山僧亦何福絕境難久畱斜陽下江漢

將訪羅浮畱別臯懷董丈

我聞羅浮兩山合風雨海中夜失蓬萊股一峯遠白曾稽  
來雲氣煙光互吞吐抱朴隱此得上仙是爲朱明曜真之  
洞天金童玉女舊來去九丹曾註飛龜篇石壇喜逢啞虎  
善翩翩鳳子大如扇或云葛翁之衣所化成五色紛綸目  
光眩松楠翳合猿啼清驚瀑白日聞雷霆奇峯四百三十  
二一亂插遙天青丹崖迴處元都敞翕翹瑤芝尚應長  
招要忽枉使君書身未離時神已往登高思借九節筇鐵  
橋徑度凌長風雞鳴日出到絕頂坐見碧海磨青銅種杏  
真人老仙伯龍躡能乘慣調息飛雲不得從我游獨酌流  
霞倘相憶

天山

六如亭

東坡侍妾朝雲葬此

卷之五

十

孤臣萬里屏窮蠻舞袖相從骨不還一種佳人歎流落明  
如青塚出天山

沙子步尋宋唐子西故居

博士千年宅荒江寄碧潯文高通世務遇厄抱秋心遷謫  
詩尤壯溪山酒獨斟偶來尋故址高樹下棲禽

羚羊峽

江流日奔騰聲過如萬弩偏仄驚人峽程途此艱阻林篁  
交蔽黑不復辨子午高崖坐羣猿垂臂引容語稍出向靈  
山微陽翳初吐人家嵌石壁如蠣未可數沿塘種木綿插  
棘防猛虎月起聽蠻歌誰知我心苦

包孝肅祠

包公稱峭直笑比黃河清嚴毅出天性非矯以立名彈斥  
及權貴私館無逢迎除惡若鷹鷂足令燕雀驚剖符昔此  
郡父老思廉平歲割紫玉肪去官不持行烏臺畱舊治判  
決兼幽明其說類隱怪儒者所必爭端州郡署中有烏臺  
傳是公夜決真事處  
自宋以來廟貌猶赫赫瞻望風稜生嗟哉立仗馬食粟誰  
能鳴

夜過陽春

溪谷傳聞好圖經舊所攜山峯插天黑星彩映江低窻拓  
時勞望舟行更不稽煙蘿藏勝跡迴掉擬攀躋

誠敬夫人墓

婦人無賜諡例自譙國始中原值龍戰率衆捍邊鄙帳下

吳晉才集卷十二

十二

萬貔貅桓桓聽麾指蠻部盡降服可以鞭箠使通貢屢王  
朝犀貝集筐篋數州免鋒鏑屹若長城倚誰謂巾幗雄勛  
名炳青史東粵兩奇人臣佗與洗氏

同徐惕菴尙之家春如集東絡山房分韻得羅字

百年歲月如投梭素心不許良辰過我來已值花事盡故

人獨喜京華多君家兄弟俱我厚談詩論史交切磋聯牀

一月從小住中庭槐影紛婆娑郎官清况絕可笑蕭蕭風

雨間疲驟苦吟得句時擁鼻大字落紙成擊窠邇同阿咸

憇蕭寺各騁辯口如懸河至言恐遭俗言忌鍾情豈以忘

情訶吾家惠連亦好事夜闌不寐挑銀荷忽憶年時客南

海仙人迎笑玉齒瑳廣場絲竹聽沸耳小紅嬌唱低雙蛾

惜無知己共作劇當筵自醉金巨羅今春此會樂復樂小  
飲務使朱顏酡有禮豈爲我輩設語雜嗚噓捐煩苛君今  
復作遊秦計三峯太華高峩峩新詩吟就早相寄別後相

念當如何

時惕卷以事被  
議將起關中

追酬徐大尚之見贈之作

我生無他長少好事鉛槧功名上水船辛苦徒曳綸徐君  
才瓌杰玉孕發精爛拾遺吏部集門戶早闖關尤能古文  
辭口吐月波灑洪濤駕岳嶸溯澗駭舌膽騷壇樹旗纛高  
座久先占胡然妄見遜心許敦洽多知交二錢最落落伯  
垆坵以予參其列揆分毋迺僭損詩緩裁報譬若積逋欠  
去年枉尺素蟾缺掛行店同輩多飛騰臺省捷走趁誰顧

吳會集卷十二

七

退鷁羽繾綣常在念把臂快京國中學林宗塾從此蹤迹  
親百遍過詎厭臣朔亦苦飢蝦菜不常瞻抱被時同宿相  
知到童僮風懷慕耿直失足惧坑塹君獨鑒誠慤謂可代  
鍼砭瑤軫知音稀太美味難饜雖蒙嗜癖斯語果未駢  
予試文君  
獨善之浮榮本臭腐得舉嘗夢寔事見  
蘇集千載儻相期一  
名何足艷牀頭雙龍吼中夜聞古劍欲洗刺促腸小醉滄

酒囑

酒帘

糟牀乍注熟新篔揜映青旗喜入眸暝色遮殘穿樹火吟  
魂飛渡隔江樓一鞭共漾三春影尺布難消萬古愁記否  
綠楊邨外見小船初泊買棹頭

述菴先生三泖漁莊圖

伏波銅柱標扶胥鄉里憶乘下澤車丈夫報國經綸舒至樂終遜歸田廬先生盛世稱璠璣文筆久壓幹與璩復嫺兵法窮穰苴大軍西征翩旄旗元戎借箸籌邊儲燕歌慷慨草檄餘陣左曰啟右曰肱指畫了了髮就梳黃茅黑箬途崎嶇萬騎蹂躪陟彼祖堅營擗掃臂擣虛遂空賊巢擒魁渠叩笮始得安耕鋤帥還迎勞降玉除卿班累轉飄華裾助爍天壤文淵如盤錯歷遍厭拮据漁莊入夢清魂邁舊家澗山湖上居陂塘養就千頭魚小築一徑通絲筴九峯疊秀同環滁雲氣滃出疑龍嘘城荒白苧傳闔閭楓涇夏口繁紅蕖微波縹縹風來徐釣竿落處深不淤飛集鷗

鳴兼鷗鷗檣枯檜松杉楮四圍蒼翠紛扶踈幽懷此間聊可攄晨昏况得侍板輿春醪餉客斟浮蛆飯炊香粳熟新畬蓴絲突過長安菹由拳之鄉樂只且鏡湖許乞吾歸歟觚稜回首心躊躇雨露恩渥能忘諸南臺方聞下除書表率牙服封章臚清霜乍飛走衆狙驄馬步工無趨起願公莫亟賦遂初廟堂獻替功難紆遑學丁卯耽樵漁

陶然亭小集聯句

城南有高亭

洪亮吉

天濶雲不鎖來如鳥投叢

趙懷玉集

若箭聚塋坡折蛇透迤

楊倫

石峙羊破碓空青洗鉛華

徐

書受

遙碧出峯朶櫺虛延墊陰

亮吉

堞對隔塵埵郵環拱

臺巔

懷玉

岡轉背檐左風喧十里蘆

倫

霜落千林果長筵

敵列肆書受雄論振急柀舞或醉以飲亮吉笑豈巧之瑤

賓鴻餞秋肅懷玉歸騎防夜邏門徒逾買鄭倫儒術蹈卿

軻使星正南曜時餞送朱學士筇河先斜日忽西墮連茵

叩禪關亮吉促膝比仙舸蛾飛亂人影懷玉鼠窟避佛火

倦聞僕頭觸倫靜想僧足裏酒腸散檉枿書受嶽意興磊

何胸懷黑白辨亮吉目笑青紫托壁立君蠪蛸懷玉管禿

長螺羸屢萬鹿有時倫秋九感無那寒蟲助啾唧書受早

鞠送娘娜手美艱飭厨亮吉顏酡快盈坐門東鼎膨脗懷

玉至北溪澹沱色變談虎為倫氣盛捫蝨頗朋俱吳中舊

書受名並日下播著書規龍門亮吉獻賦望馭姿相期淬

鋒鏑懷玉未用吃坎垠陳編驚羅穿倫谷學厭庸瑣心精

析毫芒書受語硬盤帖安詰究齊得登亮吉箋窮楚多夥

類陽惜馳駒懷玉妙義流炙輶獨醒還啜醪倫同浴漫譏

裸骨晒虞翻屯書受錯嫉夷光始但令營糟邱亮吉一任

啣飯顛蝸爭角鬢鬢懷玉蠶縛絲搯蠹重諾希久要倫慎

交戒多可羣狙走且僵書受軒鶴立無跛遭重席知煖亮

吉燭炮枕警惰階閒衆屢錯懷玉牀窄半衾鞞稀星曙猶

爛倫宵夢占亦叵向曉癡蠅墓書受風激窻紙簾亮吉

綿潭山館雜詠為汪農部賦倫

漆園去千載誰與談養生星稀萬籟寂橫膝孤琴鳴亮

谷神尚淪跡挂口絕毀譽苦厭秋蟬嘶移床竹深處亮

幹古舊巢鶴林香更眠麝謾謾濤翻空誤驚山泉瀉亮

翠香

緣棚藤蔓垂石凸形徑窄落葉滿蒼苔清風掃復積

壯武三十車磊磊上連屋俗氣澆未除從君借讀書

樓高高百尺仰嘯凌青穹不逢羨門子或把浮邱公

結茅卑臨流蓼色遍江曲一鷺背斜陽魚被寒綠

人心異川逝晝夜無停閒下簾讀周易坐見孤雲還

幽房夜猶徹林際土微月小立不知寒白露侵衣襪

環畦菜甲肥花下欣抱甕山鳥罷爭啼轆轤復驚夢

并黃曾歎蟻蠶蓬調棗棗去突少憐秦湘清登遊山入

題杜少寇曲江先生重修少陵成都草堂圖卷卻寄奉懷

時扈天人不管精史賦日星忠始樂望氣壯時管

蹕塞上

從來守土責貴能發幽潛統矧淵源接誼應族屬兼少陵

窮益工光焰久不磨詩史炳日星忠誠繫堂廉豈但矜斧

藻並堪代鍼砭上思翊聖朝下乃憫窮閭大節自擎擎小

言徒詹詹艱難蓼偏集奔走突少黔秦隴暫經過巴蜀久

滯淹先值節度裴後依僕射嚴草堂枕江麓花潭開鏡奩

面勢背赤甲穿櫛當白鹽小松漸成長翠竹時修織讀書

意韋諷彈碁邀席謙幕府徵辟交郎官祿命霑賢主見優

禮同儕復猜嫌佳比烏投籠歸若魚脫筍望閒坦腹狂

陰獨掀髯溪橋纜小舟邨市懸高帘沈飲拚泥醉香醪踰

密甜西漢徙更頻東屯居最厭灌蔬躬把鑿刈稻親腰鎌

雨漂感重葶風拔憐老柟歲序閱滄桑祠基蔓荒蔽廡空

鼠穴結壁壞蛛絲黏吾師位方岳問俗馳行轡正欲布文  
教初當輟鞞鈴懷賢切仰企擴地資眺瞻宋櫨咄嗟辦條  
屬詢謀僉雲外標傑閣林端出層檐春叢爛絳桃秋浦繁  
蒼兼時攜蓬闥客遙矚峨嶠尖輕紅顆爭擘重碧杯先拈  
歐還喧夕禽庾嘯乘夜蟾承

恩赴雲闕託思餘霜縑扈從歷紫塞節物臨朱炎臥遊展  
圖繪魂夢增清恬白水對隱几青山橫卷簾前塵曉恍接  
勝境心彌快客歲和

璇製騰光耀瓊籤迤蹤澆花老合有新詩添

沅芷叔屬題時經圖日星

憶昔我祖歸林垆築室作堂名註經

青巖公舊居有註經堂

堂中貯

書萬卷零勿鬻勿借手自銘教示孫子免聽熒挽強不如  
識一丁六籍義炳猶日星語非衷聖皆說鈴爾來五世傳  
餘馨經畚播琴罔逸寧小子束髮耽汗青夜讀失寐頭觸  
屏賈馬服鄭分畦町考索頗亦區涓涇筆耕蝨簡邀寵靈  
寡鶴誤響因風霆得逐多士窺堯賞鼎恥庶無胎罄餅臣  
叔胄華連紫冥四代視草居槐廳映帙不忘拾流螢珊瑚  
茂叢產重溟兩枝玉樹爭亭亭解了瑟侗方弱齡豹鼠亟  
爲辨聲形幽棲結屋臨迴汀柳陰成幕風清冷湘簾髻几  
開疎櫺一編口授忘日與誦聲琅琅徹戶扃絕勝高歌遏  
雲停力田逢年古所聆嘉穀肯使生蝗螟學成他日揚王  
庭載筆螭坳纘前型雛鳳看刷翬霄翎作詩述德交錯砌

毋以不類譏楹莛

九日吳山登高次錢明府竹初韻同崔太守曼亭莊四然  
乙王二秋勝作

我來際春暮節序歛授衣索居閒屐齒勝境空神飛發興  
自得朋九日風清淒岩巖第一峯歷磴偕陟躋桂叢殘古  
祠菊蕊開幽蹊煙火羅萬家草露灑易晞山勢抱城轉江  
光映天齊身疑在圖畫瞪目呼元暉石室闕仙跡仝喬昔  
同嬉鶴骨蛻已久白雲長迷離尙欲凌絕頂雨色催人歸  
斯會信非偶珍重訂後期莫放金尊空還聽玉屑霏相對  
不盡歡別去徒勞思

讀然乙折梅集卽用見贈韻奉題

吳會英才集卷十二

七

虛窻颯颯雨聲來手把君詩闔復開騷屑九秋吟橘頰羈  
遊萬里醉椰杯最憐骨肉青山隔莫令窮愁白髮催江敦  
風流今孰是忽從塵海見清才

時君將以  
贊府謁選

春日湖上同秋勝作

十里樓臺接風光在裏湖凌波橫畧約倒影插浮圖野水  
青於染春山淡欲無酒旗林外颯惟聽喚提壺  
西冷一夜雨芳草滿隄生遠樹煙中出輕舟畫裏行空亭  
閒放鶴斜日坐聞鶯繚繞衣香散歸途載玉笙

錢武肅王祠

衣錦營荒失霸圖錢王祠宇枕明湖還鄉盛事誇三節破  
敵軍鋒始八都遺像儼瞻橫玉帶遷宗無復賜金符東南

保障功非細苔謁銘忠記大蘓  
葛嶺買似道故宅天宮懋武忠思

愛古獨登多寶閣論功爭纂福華編涼臺燠館拋何處萬

里荒菴泣木綿烈世舍人初宰

腊月十六日述菴先生招同馬葦舟王秋塍載酒泛湖卽

席分韻得卻字臨志白

雪意釀寒林煙光迷近郭崢嶸歲云暮得此清遊樂夫子

今歐陽羣賢就繩削儼居來湖止泛月初有作高情愛雲

水更訂扁舟約肩輿客到門便解青絲絳簫鼓寂無喧清

談代歌罟浮蟻傾臘味未覺朔風虐西子矜澹妝迎笑前

復卻山添螺髻擁霧捲鮫綃薄迴權典未闌中流仍小泊

快聽懸河辨滾滾殊不涸告歸胡太遽畏下巖城鑰隄柳

已含黃嶺梅方破慧準待春光融攜尊復來酌

煙雨樓

輕煙漠漠雨濛濛曲檻朱欄四面通山色半浮津柳外人

家都在水雲中珠簾捲處聞歌板漁笛吹來櫂短篷消暑

無如此間好鴛鴦湖上白蘋風

借程霖巖學博莊復齋上舍樂閒明府蔣立菴太守莊臯

直進士集趙映川舍人咏辛齋同賦得筆塔

吾鄉宋季遭屠戮僅餘七人禍最酷維時守將王安國與

劉師勇登陣血戰天爲愁抗敵忠肝激閭里黃面瞿曇奮

戈起陰風烈烈降魔旗佛手親殺千熊羆積骸如山尋不

得紙城鐵人聞太息  
影纓曳組多朝臣  
不降卽走何紛紛  
浮圖非受國恩者  
獨忍橫尸向原野  
空門奇節古未聆  
惜哉史冊遺其名  
筆塗一傾城東瘞  
弟子至今爲出涕  
土花著草青斑爛  
猶似當年刀箭瘢  
一曲招魂招義勇  
樵採毋

侵柳下壟

時方於塔外議築繚垣

中秋後三日集蔣立菴太守息養齋觀蘇文忠書豐樂醉

翁兩亭記拓本

雲谷山外詩高齋爾日餘

文章忠節古罕兼  
是非論定尤難枉  
廬陵眉山出並時  
一代名臣衆推仰  
太常制謚均榮袞  
座右門生覘競爽  
登庸先後何足奇  
衣鉢和凝笑疇曩  
南譙環遶多峯巒  
六一風流貽勝賞  
其中瑯琊最秀絕  
灑灑微聞釀泉響  
作亭相望

卷十二

十九

攬煙霞心目登臨坐  
開朗宋室時方際  
全盛海內無虞學  
豐穰公餘多暇醉  
醇醪父老嬉遊同  
策杖山禽不怪騶  
從來客散喧呼萃  
林莽爲文勒石垂  
永久宣德達情涵  
義廣所嫌字畫尚  
淺狹未稱斯亭勢  
宏敞東坡近值守  
汝陰更易新書大  
於掌白雲爲屏山  
作枕高情爾日猶  
堪想琵琶聲斷玉  
鍊鎖痛惜吾翁與  
俱往元卿雅慕玉  
局僂比歲亦作西湖  
長龜跌手搗向巖  
阿席上持來示吾  
黨端莊流麗盡書  
訣世俗筆驕誰得  
傲清臣季海青出  
藍天馬行空脫羈  
鞅八法要知祇一  
藝蹟因人重由忠  
讜穹碑况得二妙  
兼藏弄珍看比瑤  
盪千年陵谷有變  
遷此木應長在天  
壤重九前一日集  
遂初堂同賦小蘭  
亭三咏

柏

幽棲地良僻差喜遠塵市載考南渡時鎮院迺遺址植柏始何人爰自太守史世閱五百年滄桑屢遷徙宿鳳已無

亭興賢尚名里

考邑乘做居係宋鎮院故址太守史能吾之嘗環植古柏并建宿鳳亭於其上

祖挂冠歸卜築慕前軌手種青銅柯九老肩綵綵垂蔭臨

衡門封殖逮孫子久長荷世德承紹敢專美勇退師他年

庶免隕越耻

桂

堂前雙桂樹偃蹇交蟠根涼天金粟繁飛香散層軒憶昔當花時痛飲偕我舅酩酊不復省母氏煩責言卉木榮如

初秋風悴庭萱守戒愧士行濡首時餅盆伯兄更遠離薄

吳興才集十二

三

宦歷澳門濶別垂十稔唱和誰吹塤謦事偶振觸感此歲月奔泉竇正喧呼我淚潛復吞

甘蕉

昔年載酒地是名小香山中祀嘒嘒翁旁立素與蠻同時

多逆人佳日開吟壇

會祖素堂公與孫編修時宜徐主政承宜陳明經鍊胡處士香吳等在此

聯詩社祀唐白太傅刻有辭吟雅集編今為家祠

何物最宜詩夜雨聞珊珊甘蕉

植一叢披拂依迴欄刺檐竦高柯不畏修竹彈亭荒奉先

福蓬門設常關神靈想棲止嘯咏戀此間雅會欣復續林

臯颯秋顏愛茲青羅扇黃落未忍刪

送趙大映川北上

憶昔歲上章方作長安客旅館正蕭寥君來際除夕呼朋

卽排闥盡飲歡最劇去年歸里門過從尤接跡招延半詩  
老亦忝分末席新篇互賡倡篋笥每盈積良辰並嘉會不  
醉殊可惜春衫滿酒痕時復墮冠幘憐君近多病興頗減  
疇昔一朝告將行歲暮亦已迫鳳池清切地待子光玉册  
文章戒浮華於世必有益典誥可同風乃副掌論責離情  
用何慰仍傾酒一石臨別重贈言聊當繞朝策  
琵琶亭月夜聞歌

江州停櫂處商女尙能歌一曲依稀盡紛紛落木多風吹  
雲欲澹月映水微波欲問青衫淚尊前更幾何

題王麓臺煙林小幅

濛濛隔浦山色颯颯空林雨聲澗底初無鹿飲原頭時有

人行

綠樹丹崖小景滄江白石吾廬何時謝卻塵事共結茅齋

讀書

湘陰晚泊

路入青草湖猿啼逐輕艫夾岸楓林多落帆向前浦屈原  
沈江處嗚咽水聲苦行子暮愁生月明山鬼語

雄楚樓眺望

旅客逢秋倦眼開層樓岌業子城隈叢叢山自衡陽矗滾  
滾江從夏口來驟雨翻時懷息壤片雲低處辨荆臺黃灘

一帶沙隄繞高氏當年亦霸才

高氏隄凡五百三十里

獨夜

獨客偏多感寒更倍覺長竹風搖廣牖蟲響入虛堂遠夢  
紛難理鄉書語不詳鄂城今夜月空送可憐光

武昌喜晤徐民部惕菴表兄賦贈長句益

連旬苦雨陰雲堆閉門不出生莓苔輶車忽報故人至廢

卷起立心神開此間會合非所料握手入門先一笑別期

回首已七年卻喜君顏猶壯少憶昔長安君對牀驪壇酒

陣爭雄強短檠伸紙共索句不覺落月沈西牆青雲退鷁

予何有君亦左官事奔走中間消息兩茫然傳得新詩滿

人口星郎出使多輝光幕府贊畫需賢良橫行濶視異流

輩意氣不減前清狂索居兩載寡儔侶奇氣因君思一吐

鐘鼎山林未可期人生須各有千古秋風蕭蕭黃鶴樓要

君同登最上頭

君同登最上頭曾懷萬里瀉何處拍檻快看長江流

登大別山絕頂

山名最古自隨刊杖策登臨眼界寬江漢雙流天際湧樓

臺三楚鏡中看不同騷客悲搖落恍挾飛仙振羽翰禹柏

千年何處問虬枝蠹鼠想根蟠

蔡進士呂橋用鄙集中同徐惕菴尚之家春如集東絡山

房作次韻見贈率爾奉酬仍用前韻

文章千機同一梭二三作者誰能過學成麟角乃獨貴餘

子空比牛毛多平生妄意希著述特藉益友相磨磋千金

每自享徹帶障籠安用羨兩娑

佛成仙騎白驃武昌城頭一握手快若倦鳥初投窠君才



